

Siunnersummut oqaaseqaatit

Nassuaatit nalinginnaasut

1. AALLAQQAASIUT

1.1 Siunnersuut tunuliaqtaa

Kommunit aqunneqarnerat pillugu Inatsisartut inatsisaat maannakkut atuuttoq 2010-mi akuersisutigineqarpoq 2013-imilu allangortinnejarluni. Inatsisikkut siusinnerusukkut Inatsisartut inatsisaat 2008-meersoq taarserneqarpoq.

Siunnersuut manna Siumup, Inuit Ataqatigiit aamma Partii Naleqqap 2016 - 2018-imut Naalakkersuisooqatigiinnissamik isumaqatigiissutaannik - Naliginneq, Toqqisisimaneq Inerartorneq - piviusunngortitsineruvoq. Taamaaliornermikkut Naalakkersuisut kissaatigaat nunaqarfinni aqutsisut piviusunik aalajangiisarnissamut oqartussaaffeqalernermikkut aningaasaqarnermullu tunngatillugu aalajangiisinnaassuseqalernermikkut nukittorsarneqassasut soorluttaaq nuna tamakkerlugu najukkani ataatsimiititaliaqalernissaa anguniagaasoq.

2018-imi kommunit agguarsimaleriarpata kommunini aaqqissuussaanerit annertuumik allanngoq-qissapput. Taamatuttaaq KANUKOKA-mut inissisimanerup allangorsimanerata nassatarisimavaa aalajangersakkanik iluarsaassiniissamut pisariaqartitsineq, tassani KANUKOKA toqqaasinnaaner-mut isumaqatiginninniarsinnaanermullu piginnaatitaaffeqarsimasoq kommunit KANUKOKA-mut ilaasortaasut sinnerlugit. Taamatuttaaq Naalakkersuisut kissaatigaat inatsisit allannguutaat ataatsimoortillugit inatsimmut suliarineqassasut kommunit allallu sapinngisamik pitsaanerpaanik sulinemminut atortussaqarsinnaaqquellugit. Kiisalu missingersuusiortarnermut inatsisip nutaap akuersisutigineqarnerata malitsigisaanik iluarsiissuteqartoqartarsimavoq.

Naalakkersuisut nalilerpaat allannguutaasut tunngavigalugit kommunit aqunneqarneranni malittarisassat pissutsinut ullumikkut atugaasunut naleqquttuusut kommunillu aqunneqarnerannut pisari-aqartinneqartunut naleqqullutik.

2. Siunnersummi immikkoortut pingaarcerit

2.1 Aalajangersakkat nalinginnaasut

Kommunit aqunneqarnerat pillugu aalajangersakkat nalinginnaasut kapitali 1-imi malittarisassaqrattaapput. Aalajangersakkat aalajangersakkat maannakkut atuuttut assigaat.

2.2 Kommunalbestyrelse

Kommunalbestyrelsip il.il. katitigaanera, borgmesterimik borgmesterillu tullersortaanik qinersineq kiisalu kommunalbestyrelsip ataatsimiittarneri, suliamut akuliuteqquaannginneq peqataanngitsortarnerlu kapitali 2-mi malittarisassaqartitaapput.

Naalakkersuisut siunnersuutigaat Avannaata Kommuniani kommunalbestyrelse 17-inik aamma Kommune Qeqertalimmi kommunalbestyrelse 15-inik ilaasortaqassasut. Kommunalbestyrelsit ilaasortaqqortussusii kommunit inuttussusii tunngavigalugit aalajangersarneqarput. Siunnersuutigineqarportaaq Kommuneqarfik Sermersumi kommunalbestyrelsi 19-inik ilaasortaqassasoq.

Kommunalbestyrelsit nammineerlutik aalajangersinnaavaat ilaasortat ikinnerussanersut kisiannili amerlanerunatik.

Kommunalbestyrelsinut ilaasortat amerlassusii kommuunioreersunut tunngatillugu maannakkut ilaasortat amerlassusii aallaavigalugit ingerlaqqiinnassasut siunnersuutigineqarpoq.

2.3 Borgmesterip aamma borgmesterip tulliata atuunnerat

Borgmesterip aamma borgmesterip tulliata atuunnerat kapitali 3-mi malittarisassaqartitaapput. Aalajangersakkat aalajangersakkat maannakkut atuuttut assigaat.

2.4 Ataatsimiititaliat ilaalu ilanngullugit

Aningaasaqarnermut ataatsimiititaliaq, ataatsimiititaliat ataavartut, ataatsimiititaliat, isumalioqatigiissitat il.il. kapitali 4-mi malittarisassaqartitaapput.

Naalakkersuisut siunnersuutigaat illoqarfinni kommunip ingerlatsiviata qullersaqarfiginngisaani najukkani ataatsimiititalianik pilersitsisoqassasoq. Taamaallutik najukkani ataatsimiititaliat Kommunalbestyrelsimi sumiiffiup sinniisussaannik qinersinermut aaqqissuussaqtut atuutereersumut ilu-aqutaassapput.

Kommunalbestyrelse aningaasanik atugassangortitsissaq najukkani ataatsimiititaliat nammineerlutik atorsinnaasaannik. Aningaasat tamanik tusarniaanernut, kultureqarnermut, timersornermut inuiaqatigiinnilu sulissutigineqartunut atorneqartassapput.

Taamatuttaaq najukkani ataatsimiititaliat communalbestyrelsime, aningaasaqarnermut ataatsimiititaliamut aamma ataatsimiititalianut ataavartunut siunnersuinernik suliaqartassapput communalbestyrelsillu suliakkiineratigut aalajangersimasunik suliaqartarsinnaallutik.

Kommunalbestyrelse najukkani ataatsimiititaliat ilaasortaannut aalajangersimasunik aningaasarsi-aqartitsisinnaavoq.

Najukkami ataatsimiitaliamut aalajangersakkat eqqaassanngikkaanni, inatsisisstatut siunnersumi, kapitali 4-mi, ataatsimiitalianut il.il. tunngasumi aalajangersakkat maannakkut atuuttut as-sigaat.

2.5 Nunaqarfinni aqutsisut

Nunaqarfinni aqutsisut kapitali 5-imni malittarisassaqartitaapput.

Naalakkersuisut siunnersuutigaat kommunalbestyrelsip pisussaaffigissagaa nunaqarfinni aqutsis-unut aningaasanik atugassanngortitsisoqartarnissaa, taakku suliassaqarfinni ukunani ataatsimi ar-lalinniluunniit aalajangiisoqarneratigut atortarsinnaasaannik:

- 1) Kulturimut innuttaasunillu qaammarsaanermut.
- 2) Timersornermut.
- 3) Teknikkikkut sulianut aamma pilersuinermut.
- 4) Nunaqarfimmi najugallit inuussutissarsiuutinik suliniutigisaannut.
- 5) Inuit akornanni sammisaqartitsinernut.

Tamakku saniatigut kingunerisaasunik iluarsiissuteqartoqarpoq. Allanik allanngortitsisoqarnissaa eqqarsaatigineqanngilaq.

2.6 Nakkutilliineq

Kommuninik nakkutilliineq kapitali 6-imni malittarisassaqartitaavoq.

Naalakkersuisut siunnersuutigaat Nakkutilliisoqarfimmut ilaasortaasut marluk, aalajangersakkat maannakkut atuuttut malillugit KANUKOKA-mit toqqarneqartartut, matuma kingornatigut kom-munit ataatsimoorlutik toqqartalissagaat. Siunnersuut Kommuneqarfik Sermersuup ilaasortaajun-naarneratigut KANUKOKA-p allatut inissisimalernerata kinguneraa.

Tamakku saniatigut kingunerisaasunik iluarsiissuteqartoqarpoq. Allanik allanngortitsisoqarnissaa eqqarsaatigineqanngilaq.

2.7 Aningaasarsiat

Borgmesterinut, communalbestyrelsimi ilaasortanut, aamma kommunit sulisuinut aningaasarsiat kapitali 7-imni malittarisassaqartitaapput.

Naalakkersuisut siunnersuutigaat kommunit sulisuinut nalinginnaasumik aningaasarsiatigut, ator-feqarfittaankkut soraernerussutisiassaqartitaanikkullu atugassarititasut pillugit aalajangersakkat Naalakkersuisut kommunillu akornanni isumaqatigiissuteqartoqarneratigut aalajangersarneqartalis-sasut; tassa Naalakkersuisut KANUKOKA-llu akornanni aalajangersakkat maannakkut atuuttut malikkunnaarlugit. Siunnersuut Kommuneqarfik Sermersooq ilaasortaajunnaarnerata kinguneranik KANUKOKA-p allanngornerata kinguneraa.

Tamakku saniatigut kingunerisaasunik iluarsiissuteqartoqarpoq. Allanik allanngortitsisoqarnissaa eqqarsaatigineqanngilaq.

2.8 Pineqaatissiisarneq aamma taarsiissuteqartitsisarneq

Kommunalbestyrelsimeq ilaasortanik pineqaatissiisarneq aamma taarsiissuteqartitsisarneq kapitali 8-mi malittarisassaqartitaapput.

Tamakku saniatigut kingunerisaasunik iluarsiissuteqartoqarpoq. Allanik allanngortitsisoqarnissaa eqqarsaatigineqanngilaq.

2.9 Atortuulersitsineq

Siunnersuut 1. januar 2018-imni atutilissasoq siunnersuutigineqarpoq.

3. Pisortanut aningaasaqarnikkut allaffissornikkullu sunniutissat

Siunnersuut manna kommuninut aningaasaqarnermut tunngatillugu kinguneqassanngitsoq naatsorsuutigineqarpoq. Taamaalilluni najukkani ataatsimiititalianut aningaasarsiarititassaajumaartut kiisalu najukkani ataatsimiititaliat nunaqarfinnilu aqutsisut aningaasat atorsinnaasaat missingersuutitigut killiliussaareersut iluanni nassaarineqarsinnaasarnissaat naatsorsuutigineqarpoq. Taamaammat naatsorsuutigineqarpoq nunaqarfinni aqutsisut sulinerannut aamma najukkani ataatsimiititalianik pilersitsinernut aningaasartuutit kommuninut aningaasartuutaassanngitsut.

4. Inuussutissarsiornermut aningaasaqarnikkut allaffissornikkullu sunniutissat

Siunnersuut aningaasaqarnikkut allaffissornikkullu inuussutissarsortunut allanullu kinguneqartitsisanngilaq.

5. Avatangiisinut, pinngortitamut inuillu peqqinnissaannut sunniutissat

Siunnersuut pinngortitamut, avatangiisinut aamma inuiaat peqqissusaanut kinguneqassanngilaq.

6. Innuttaasunut aningaasaqarnikkut sunniutissat

Siunnersuut aaqqissuusseqqinermik nangitsineruvoq aammalu kommunit oqartussaaffiinik siamaanikkut malunniuteqassalluni.

Taamatuttaaq najukkani kikkulluunniit oqartussaaqataanerat nunaqarfinni aqutsisut piginnaatitaaf-fiisa nukitorsarneqarnerisigut taamatullu najukkani ataatsimiititalianik pilersitsisussaatitaalersitsi-nikkut nukitorsarneqassasoq naatsorsuutigineqarpoq.

Tamanna innuttaasunut ataasiakkaanut oqartussaasunut pisariaqartinneqartunut ornigussinna-nerannik taamaalillunilu inatsisitigut isumannaannerulernissamik kinguneqassaaq.

7. Kingunissat allat annertuut

Siunnersuut pingaarutilinnut allanut kinguneqartitsissanngilaq.

8. Oqartussanik kattuffinnik il.il. tusarniaaneq

Naalakkersuisut siunnersuut 2017-imi maajip ulluisa 11-anniit juunip ulluisa 25-annut tusarniaas-sutigaat.

Inatsisartut inatsisisaaattut siunnersuut ukununnga tusarniaassutigineqarpoq:

Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, KANUKOKA, KANUNUPE, Kommunernes revision (BDO), Deloitte, AK, SIK, IMAK, GA, PIP, ASG, Sundhedskartellet aamma Naalakkersuisut Siulittaasuata Naalakkersuisoqarfia, Pinngortitamut Avatagiisinullu Naalakkersuisoqarfik, Isumaginninnermut, Ilaqtariinnermut, Naligiissitaanermut Inatsisinillu Atuutsitsinermut Naalakkersuisoqarfik, Inuussutissarsiornermut, Suliffeqarnermut Niuernermut Nukissiuuteqarnermullu Naalakkersuisoqarfik, Aalisarnermut Piniarnermullu Naalakkersuisoqarfik, Aningaasaqarnermut Akileraartarnermullu Naalakkersuisoqarfik, Ilanniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Namminiilivinnermut, Nunanut Allanut Nunalerinermullu Naalakkersuisoqarfik kiisalu Aatsitassanut Ikummatissanullu Naalakkersuisoqarfik.

18-inik tusarniaanermut akissuteqartoqarpoq:

Naalakkersuisut Siulittaasuata Naalakkersuisoqarfia, Ilanniartitaanermut, Kultureqarnermut Ilisimatusarnermut Ilageeqarnermullu Naalakkersuisoqarfik, Aningaasaqarnermut Akileraartarnermullu Naalakkersuisoqarfik, Aningaasaqarnermut Sulisoqarnermullu Aqutsisoqarfik, Akileraartarnermut Aqutsisoqarfik, Peqqissutsimut Naalakkersuisoqarfik, Peqqissutsimut Pitsaliuinermullu Aqutsisoqarfik, Isumaginninnermut, Ilaqtariinnermut, Naligiissitaanermut Inatsisinillu atuutsitsinermut Naalakkersuisoqarfik ,Aatsitassanut Naalakkersuisoqarfik, Aalisarnermut Piniarnermullu Naalakkersuisoqarfik, KANUKOKA, Qeqqata Kommunia, Kommune Kujalleq, Kommuneqarfik Sermersooq, IMAK, AK, SIK aamma GE.

Tusarniaanermut allakkiaq tusarniaanermut akissutit pillugit paasissutissartalik aamma Kommuni-nut, Nunaqarfinnut, Isorliunerusunut, Attaveqaqtiginnermut Ineqarnermullu Naalakker-suisoqarfip manna pillugu oqaaseqaataanik imalik ilanngunneqarpoq.

Aalajangersakkanut ataasiakkaanut nassuiaatit

§ 1-imut

Aalajangersagaq kommunit aqunneqarnerat pillugu Inatsisartut inatsisaanni atuuttumi § 1-imik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq kommunimi suliassat aqunneqarnerat pillugu kommunalbestyrelsi akisussaasusoq.

Imm. 2-mut

Aalajangersakkap kommunalbestyrelsi aqtsinermut ileqqoreqqusamik akuersisinnaatippaa, tassanilu kommunip aqunneqarnera borgmesterillu suliassai aalajangersarneqarput. Tassa kommunip qanoq aqunneqarnissaa pineqarpoq. Aqtsinermut ileqqoreqqusaq manna pillugu tunngaviusumik maleruaqqusanik taamaallaat imaqassaaq.

Imm. 3-mut

Kommunalbestyrelsip anguniassavaa, suliassat ingerlanneqartarnerannut pissutsit tamarmik kommunalbestyrelsip suleriaasissatut maleruagassiaani katersorneqassasut, tamakkulu aalajangersakkat aqtsinnermut ileqqoreqqusamiissanngitsut.

Imm. 4-mut

Suleriaasissamut aammalu aqtsinermut ileqqoreqqusat nassiunneqarnissaanut piumasaqaat tunuleqtaqarpoq Naalakkersuisut kommunalbestyrelsip sulianik ingerlatseriaasiat pillugu aalajangersakkanik aamma inatsisit atuutsinneqarnerannik nakkutiliinermik ingerlataqarmata. Kommunalbestyrelsip suleriaatsimut malittarisassaq aamma aqtsinermut ileqqoreqqusaq Naalakkersuisunut nassiutinngippagit suleriaasissamut nalinginnaasumik malittarisassaq imaluunniit aqtsinermut nalinginnaasumik ileqqoreqqusaq communalbestyrelsip sulinerani paatsuungasoqartillugu atorneqassapput.

Imm. 5-mut

Aalajangersakkut qulakkeerniarneqarpoq communalbestyrelsimi aqtsinermut ileqqoreqqusamik aamma suleriaatsimut malittarisassanik peqartuaannarnissaa. Aalajangersagarli communalbestyrelsip kommunimi namminerisamik aqtsinermut ileqqoreqqusamik suleriaasissamullu malittarisassaqarnissaanut pisussaaffeqarneranik atorunnaarsitsinngilaq.

Kiisalu suleriaatsimut malittarisassaq aamma aqtsinermut ileqqoreqqusaq nalinginnaasut maleruagassat qanoq paasineqarnissaannik nalornisoornermi isummertarnermut atorneqartussaapput.

§ 2-imut

Aalajangersagaq § 2-mik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Kommunip ilisarnaataa kommunimi pineqartumi oqartussaasut kisimik atugassaraat. Taamaattoq ilisarnaatip atorneqarnissaanut qinnuteqartoqartillugu pinerit tamaasa allat ilisarnaammik atuisinnaanerannut kommunalbestyrelsi akuersisinnaavoq. Ilisarnaatip aningaasarsiutut atorneqarnissaanut akuersineq sullissinermut akitsuutitut akiliuteqarnissaq piumasaqaatinngortinneqarsinnaavoq.

Kommunalbestyrelsip akitsuummik akiliutissamik ataasiartamik aalajangersaasinnaavoq imaluunniit piffissamut aalajangersimasumut akilertagassatut, kommunip ilisarnaataata qanoq atorneqarnissanut akuersissuteqarneq qanoq ittuunersoq naapertorlugu.

Assersuutigalugu naqitiganngorlugu ilisaritsiniutit imaluunniit takoqqusaarutitut kommunip ilisarnaataata atorneqarnissaakuersissutigineqarpat tamanna ataasiartuuppat, ataasiartumik akilerneqarnissa aalajangerneqarsinnaavoq, piffissamili sivisumi, soorlu puussiani ataasiarlugu atorneqartartuni ilisarnaatitut atorneqarpat piffissami aalajangersimasumi akilertagassatut aalajangerneqarsinnaalluni.

Kommunalbestyrelsip kommunip ilisarnaataata atorneqarnissaanut qinnuteqaatip suliarineqarneranut atatillugu aningaasartuutasut qaangerlugit akiliutissamik annertussusiliisinnaanngilaq.

Akiliut kommunip isertittagaatut allatulli missingersuusiorneqassaaq, missingersuusiallu akuersissutigineqareersut avataatigut aalajangiivigineqassaguni ilassutitut akuersissutigineqartariaqarsinnaavoq.

Kommunip ilisarnaataanik atuinissamik akuersissummi ersarissumik takuneqarsinnaasariaqarpoq piumasaqaataasut suut malillugit ilisarnaammik atuinermut akiliut aalajangersarneqarsimanersoq, taamaasillunilu misissorneqarsinnaalluni akuersissutit naligiissuseq tunngavigalugu tunniussisoqarsimasoq.

§ 3-imut

Aalajangersakkut kommunini communalbestyrelsinit ilaasortat amerlanerpaaffissaat aalajangersarneqarput, peqatigitillugulu communalbestyrelsit ataasiakkaat communalbestyrelsimit ilaasortanik ikilisitsisinnaanerat malittarisassiunneqarluni. Aalajangersagaq Avannaata Kommunia aamma Kommune Qeqertalik pilersinnerata kingunerisaanik allangortinneqarsinnaanngilaq.

Taassuma saniatigut Kommuneqarfik Sermersumi kommunalbestyrelsemi ilaasortat amerlanerpaaffissaat 21-init 19-inngortinneqarput.

Imm. 1-imut

Kommuni Qeqertalimmi, Qeqqata Kommuniani aamma Kommune Kujallermi kommunalbestyrelsimit ilaasortat 15-it qinerneqartassapput, Avannaata Kommuniani kommunalbestyrelsimit ilaasortat 17-it qinerneqartassapput Kommuneqarfik Sermersumilu kommunalbestyrelsimit ilaasortat 19-it qinerneqartassallutik. Naalakkersuisut suli amerlanerpaaffiliinerup ingerlaannarnissaa pingaartippaat, kisiannili imm. 2 naapertorlugu kommuni kommunalbestyrelsimit ilaasortanik ikinnerusunik toqqaaniarluni aalajangerpat tamanna ajornartorsutiitissaqanngitsutut isumaqarfigalugu.

Imm. 2-mut

Kommunalbestyrelsi ukioq naatinnagu qinersinissaq sioqqullugu kommunalbestyrelsimi ilaasortanngortussat imm. 1-imi aalajangersarneqartunit ikinnerunissaat aalajangersinnaavaat. Ilasortat akunnattumik amerlassuseqassapput aqutsinermilu ileqqoreqqusami allassimassallutik.

§ 4-imut

Aalajangersagaq § 4-mik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Imm. 1-imut

Kommunalbestyrelse qinigaarlaaq siusinnerpaamik maajip aallaqqaataani inissititerilluni ataatsimiissinnaasoq aalangersarneqarpoq, tassa imaappoq qinersinermik siulersuisut ilaasortat nutaat akuerereerpassuk kommunalbestyrelsiusimasoq tunuarpat, aalajangiussarlu ullut arfineq marluk qaangiutsinnagit Qinergisermut ataatsimiititaliamut naammagittaallitigineqanngippat. Kommunalbestyrelsioreersoq ingerlaqqiinnassaaq, misilinneqarnerup naammassineqarnissaata tungaanut. Kommunalbestyrelsimi ilaasortat qinigaasut, kommunalbestyrelsi atuuttusoq ingerlaannassaaq, qinigaasinnaassutsip misilinneqarnerisa naammasinissaata tungaanut.

Kommunalbestyrelsip inissititerluni ataatsimiinnissaanut qaaqqusissut allakkatigut pissaaq, tamatumani fax-i imaluunniit e-mail atorneqarsinnaavoq.

Imm. 2-mut

Ataatsimiinneq inummit ataatsimiigiaqqusisumit aqunneqassaaq. Aalajangersakkami inissitsiterluni ataatsimiinnermut ilaasortaq qaaqqusisoq peqataasinnaanngippat periusissaq sillimaffigineqarpoq. Aalajangersakkami isumaqatiginniarerni eqqartorneqartuni taamaallaat inissitsiterluni

ataatsimiinnermut tunngatillugu isumaqatigiinniarneq pineqarpoq, tassunga ilanggullugu borgmesterimik qinersineq.

§ 5-imut

Aalajangersagaq § 5-imik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Aalajangersagaq manna aamma § 19 peqatigalugu Inatsisartut inatsisaanni matumani aalajangersagatuaapput tassaasut aalajangiussisut kommunimi allaffissornikkut aqtsinermi pisortatut suliassat borgmesterip pisortaaffigigai.

Aalajangersakkap aalajangerpaa, allaffeqarfik aqtsinermik ingerlatsinermut ilaa soq communalbestyrelsi pingaanerusutut aqtsisoralugu. Allamik immikkut inatsimmi aalajangersaasoqarsimatinnagu communalbestyrelsi ingerlatsivinnut suliassanut tunngatillugu akisussaaffinnik tunniussisarnissamik nammineerluni aalajangersagaliorsinnaavoq.

Aalajangersakkami erseqqissarneqarpoq communalbestyrelsip aamma aningaasaqarnermut ataatsimiitaliap sulisunik atorfinitssisarnerni soraarsitsisarnernilu suliassaasa avissimanerat, taamaasillunilu communalbestyrelsip taamaallaat kommunaldirektøri atorfinitsttarlugulu soraarsissinnaagaa, aningaasaqarmermulli ataatsimiitaliap sulisoqarnermi pissutsit allat aqussallugit, tak. § 25, imm. 1, nr 2.

§ 6-imut

Aalajangersagaq § 6-imik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq inissitsiterluni ataatsimiinnermi borgmesterimik qinersineq siulliulluni oqaluuserisassaniissasoq.

Imm. 2-mut

Aalajangersakkami aalajangerneqarpoq naqissuserlugu, borgmesterimik qinersinermi amerlanerussuteqarnissaq piumasaqaataasoq. Qinigassangortittut ilaannaalluunniit siullermeerluni taasinermi amerlanerussuteqartunit taaneqanngippat, taaseqqittoqassaaq. Taasinikkut tamatumuuna aamma qinigassanngortittoq ataaseq amerlanerussuteqavissumik taaneqanngippat taaseqqittoqassaaq qinigassanngortittut marluk amerlanerpaanik taaneqarsimasut akornanni. Taasinerlu taanna naligiiffiulluni inerneqarpat makitsisoqartassaaq.

Imm. 3-mut

Aalajangersakkami borgmesterip tullianik qinersineq maleruagassiorneqarpoq, borgmesterillu tullianik qinersineq borgmesterimik qinersinertut ingerlanneqassasoq aalajangersarneqarluni. Aammattaaq aalajangersakkami naqissuserneqarpoq borgmesterinngorlaap qinersineq aqussagaa. Borgmesteri peqanngippat borgmesterip tullianik qinersineq kommunalbestyrelsimi ilaasortap inissitsiternissamut qaaqqusisuuusup aqussavaa.

Imm. 4-mut

Aalajangersakkami maleruagassiorneqarpoq kommunalbestyrelsip aqtsinermut ileqqoreqqusami aalajangersagaqarnera naapertorlugu borgmesterip tullianik siullermik aamma borgmesterip tulliata aappaanik qinersisoqassappat. Taamatut pisoqartillugu ilaasortat amerlassusaat naapertorlugin qinersisoqassaaq, § 36, imm. 4-mi nassuiarsimasoq naapertorlugu.

Imm. 5-mut

Aalajangersakkap erseqqissarpaa, borgmesterimik aamma borgmesterip tullianik qinersineq kommunalbestyrelsip qinigaaffianut tamarmiusumut atuuttusoq. Taamaatorli borgmesteri suliassaminik naammassinnikkumanngippat, kommunalbestyrelsi § 23 naapertorlugu tunuartinnissaanut periarfissaqarpoq.

§ 7-imut

Aalajangersagaq oqaasertaasigut erseqqissarlugu § 7-imik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap naqissuserpaa, kommunalbestyrelsimit qinersinermi qinigaasunut borgmesteritut aamma borgmesterip tulliatut qinigaanermik akuersissuteqartussaaneq pisussaaffiusoq. Tamatumani pissusissamisoortutut isagineqarpoq kommunalbestyrelsimit ilaasortassatut qinigaasut kommunalbestyrelsimit qinigassanngortinnermikkut aamma borgmesteritut imaluunniit borgmesterip tulliatut qinerneqarsinnaaneq akuersissutigisimammassuk.

Imm. 2-mut

Aalajangersakkap kommunalbestyrelsi periarfissippiaa borgmesteri imaluunniit borgmesterip tullia qinigaaffiup sinnerani atuuttussajunnaartitsisinnaanermut, borgmesteri imaluunniit borgmesterip tullia atorfimmit tunuarniuteqassappat. Tunuarniuteqarnerup akuersissutigineqarneri suliani ataasiakkani nalilersuinikkut pisassaaq.

Imm. 3-mut

Aalajangersakkap naqissuserpaa, borgmesterimik imaluunniit borgmesterip tullianik nutaamik § 6 naapertorlugu qinersisoqassasoq, borgmesterip imaluunniit borgmesterip tulliata atorfik qimappagu.

Aammattaaq erseqqissarneqarpoq, kommunini borgmesterip tulliinik marlunnik peqartuni borgmesterip tulliatut inuttaaruttoq ilaasortaatitaqartut qanoq amerlatigisunik ilaasortaqaassusiat naapertorlugu kisitsisit agguarerat naapertorlugu naatsorsueriaaseq naapertorlugu eqimattat (suleqatigiit) borgmesterimut tulliusimasumik toqqasimasut aamma nutaaq toqqassagaat.

§ 8-mut

Aalajangersagaq § 8-imik atuuttumik ingerlatitseqqinneruvoq allangortitsisoqarnissaanillu eqqarsaateqartoqanngilaq.

Imm. 1-imut

Ataatsimiittarnissamut pilersaarut saqqummiunneqassaaq kingusinnerpaamik ukiup naatsorsuiffiup aallartinnerani. Saqqummiussineq kommunip nittartagaani imaluunniit piffimmi aviisimi saqqummiuneqarsinnaavoq.

Aammattaaq ataatsimiinnissanut pilersaarut Naalakkersuisunut nassiunneqassaaq, kommunillu nakkutigineqarnerannut ilaatillugu Naalakkersuisut ilisimatinneqassapput communalbestyrelsip ataatsimiinnissai qanoq ilinerani ingerlanneqassanersut, tamatumani Naalakkersuisut ataatsimiinnernut peqataanissamik kissaateqassappata.

Imm. 2-mut

Aalajangersakkap qulakkeerpaa ataatsimiinnerit pilersarusiornerinut atatillugu annerpaamik communalbestyrelsi nutaamik qinigaasup kiffaanngissuseqarnissaata qulakkeerneqarnissaa. Pissusissamisuussanngilarmi communalbestyrelsi qinigaarlaaq communalbestyrelsip atorunnaartup ataatsimiinnissami pilersaarutaanik tunngaveqarluni ingerlatsissappat.

Imm. 3-mut

Kommunalbestyrelsip immikkut ittumik ataatsimiinnissaanut qaaqqusisinnaatitaaneq borgmesterimiippoq. Taamaattoq borgmesteri pisussaatitaavoq communalbestyrelsimi immikkut ataatsimiigiaqquasinissamut communalbestyrelsimi ilaasortat 1/3-iisa tamanna piumasaqaatigippassuk.

Immikkut ittumik ataatsimiinnissamik nalunaarut kommunip innuttaannut aamma Naalakkersuisunut ataatsimiinnissaq sioqqullugu periarfissaqarpat nalunaarutigineqassaaq. Avammut saqqummiussineq piffimmi aviisini ingerlanneqarpat saqqummiussinissamut piumasaqaatit eqqarsaatigalugit eqaannerusumik ingerlatsisoqassaaq.

Imm. 4-mut

Piffissaliineq aalajangerneqarluni ilanngunneqarpoq ataatsimiinnissaq sioqqullugu communalbestyrelsimit ilaasortat suliassamut pitsaasumik paasisaqarsimanissaat

qulakkeerniarlugu. Aalajangersagaq aammattaaq sunniuteqassaaq kommunalbestyrelsip ataatsimiittarneri pillugit ammanerusumik ingerlatsinissamut, soorunami nipangiussisussaatitaaneq tamatumani ilanngullugu eqqarsaatigineqassalluni.

Imm. 5-mut

Aalajangersagaq kommunalbestyrelsip sulinermini avammut ammasuunissaanut nukittorsaataassaaq.

Suliassat allattorsimaffiat saqqummiunneqartussaq ullormut oqaluuserisassanut missingersuut pinngitsoorani assigisariaqanngilaa. Imarisaaanut allattorsimaffilli minnerpaamik suliassat sunik imaqarnerinik imaqassaaq. Allattorsimaffimi suliassat ammasumik ataatsimiinnermi aamma matoqqasumik ataatsimiinnermi suliassatut aalajangersarneqarsimasut ilanngunneqassapput, soorunami nipangersimasussaatitaaneq eqqarsaatigereerlugu.

Ataatsimiinnermi aalajangersarneqartunut imaqarniliap saqqummiunneqarnerani nipangiussisimasussaatitaanermut inatsimmi pisussaatittaaffik kisimi killiliisuuvvoq.

Ataatsimiinnermi matoqqasumi aalajangiineq pippat, taanna nammineq kisimi pissutaatinneqarsinnaanngilaq aalajangiinerup imaqarniliamut avammut saqqummiunneqartumut ilanngunneqannginneranut.

Kiisalu najoqquṭassat sumi pissarsiarineqarsinnaanerinut tunngasut aalajangersakkami erseqqissarneqarpoq. Kommunalbestyrelsip suliaanut tunngasunik tamat pissarsisinnaanerannik nukittorsaaniarluni aalajangersakkami siunertaasoq naapertorlugu najoqquṭassat kommunit illoqarfíini nunaqarfíinilu tamani kiisalu kommunip nittartagaani pissarsiarisinnaasunngortinneqassapput.

§ 9-mut

Aalajangersagaq oqaasertaasigut iluarsiivigalugu § 9-mik atuuttumik ingerlatitseqqinneruvoq allangngortitsisoqarnissaanillu eqqarsaateqartoqanngilaq.

Imm. 1-imut

Suleriaasissami nalinginnaasumi matup matuneqarnissaanik malittarisassanik ikkussisoqarsinnaavoq. Kommunalbestyrelsip nalinginnaasumik suleriaasissaani §1 imm. 2 naapertorlugu makku suliarineqarneranut atatillugu matunik matusineq atorneqassaaq:

- 1) Suliassat, inunnut ataasiakkaanut tunngasunik naliliisoqassatillugu
- 2) Suliassat illusinermut imaluunniit tunisinermut tunngassuteqartut
- 3) Missingersuutit imaluunniit neqeroorutit sanaartornermut tunngasut tunniutassallu

Imm. 2-mut

Aalajangersakkap kommunalbestyrelsi periarfissippaa inuit kommunalbestyrelsip avataaniittut kommunalbestyrelsip matoqqasumik ataatsimiinneranut aggersaasinnaanngorlugit. Tamatumani piumasaqaatigineqarpoq pineqartoq suliarineqartumi paassisutissiisinnaassasoq pineqartorlu kommunalbestyrelsip akisussaassuseqartumik pisariaqartumik suliassami aalajangiinissaanut ilisimasaqartuussasoq.

Kommunimi sulisut kommunalbestyrelsip kiffartuunneqarnissaanik pisariaqartitsisoqartillugu ataatsimiinnermi matoqqasumi peqataasinnaapput. Aalajangersakkakut siunertarineqanngilaq inuit aalajangersakkap kingunerisaanik aggersarneqartut kommunalbestyrelsip kissateqarnera malissallugu pisussaaffeqarnersut malittarisassaqaqtitsinissaq, tamakkumi ataasiakkaarlugit aalajangiiffigineqartassammata pineqartullu inatsisit allat malillugit kommunalbestyrelsimit pisussaaffeqarneri aallaavigalugit.

Aalajangersagaq malillugu kommunalbestyrelsimit ilaasortaq attuumassuteqarnini pissutigalugu aalajangeeqataasinnaajunnaarsimasoq aggersarneqarsinnaassanngilaq.

Imm. 3-mut

Aalajangersakkap naqissuserpaa kommunalbestyrelsimi ilaasortanut, atorfilinnut, allanullu matoqqasumik ataatsimiinnermi peqataasunut nipangiussimasussaatitaaneq atuummat Kalaallit Nunaanni pinerluttulerinermi Inatsit tunngavigalugu. Tamanna kommunalbestyrelsini matoqqasumi ataatsimiinnerni atuuppoq, taamattaaq aningaasaqarnermut ataatsimiititaliami, ataatsimiititaliani ataavartuni aamma immikkut ataatsimiititaliani isumalioqatigiissitalianilu atuulluni.

Imm. 4-mut

Aalajangersakkami Naalakkersuisunut innersuussisoqartillugu, Naalakkersuisut nammineerlutik pineqanngillat, kisiannili nakkutilliisoqarfimmit aallartitaannut ataatsimiinnerni matoqqasuni peqataasinnaatitaasut pineqarput. Ataatsimiinnerni matoqqasuni suliani peqataasinnaatitaaneq taamattaaq atuuppoq suliassaqarfinni inatsisini immikkut nakkutilliisoqartussaaneranik aalajangiisimasoqartillugu, soorlu inunnik isumaginninnermut tunngasuni.

§ 10-mut

Aalajangersagaq § 10-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Pisarnertut suliat kommunalbestyrelsimit ataasiaannarlugit suliarineqartussaapput, immikkuullarissut inatsisitigut malittarisassaqaqtitaanngippata.

§ 11-mut

Aalajangersagaq § 11-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Kommunalbestyrelsi aalajangiisinhaassuseqarpoq ilaasortat affaat ataatsimeeqataappata allanik inatsisini allani allassimasoqannngippat. Piumasaqaataavoq ataatsimeeqataasuni aalajangertoqassatillugu amerlanerussuteqarnissaq.

Imm. 2-mut

Aalajangersakkami aalajangerneqarpoq aalajangersakkami § 15, imm. 1 naapertorlugu ilaasortaq ataatsimiinnermi ornigulluni peqataasinhaanngippat oqarasuaatikkut imaluunniit isiginnaarutitigut aammalu telefaxikkut ataatsimiinnermi peqataanissamut ilaasortaq perarfissaqartinneqartoq. Telefaxikkut piumasaqaat ilanngunneqarpoq aalajangiinermi imaqrniliami atsiornissaq qulakkeerniarlugu.

Imm. 3-mut

Aalajangersakkami aalajangiunneqarpoq communalbestyrelsip suleriaatsimini maleruagassiorsinnaaga ataatsimiinnerit oqarasuaatikkut ataatsimiinnertut, videokonference-tut allatulluunniit ingerlanneqarsinnaanerat. Aalajangersagaq aamma siunissamut qulakkeerinninniarneruvoq attaveqaatitigut teknologi atorneqarsinnaasussaq iluaqtigineqarsinnaasoq, minnerpaamilli isumannaarneqartariaqartoq ilaasortat isummernerisa tiguneqarnissaat ataatsimeeqataasunillu tamanit paasineqarnissaat. Peqatigitillugu isumannaarneqassaaq attaveqaqatigiinnermut teknologi atorneqartoq aalajangiiffigineqartunik imaqrniliat atsiornissaannut perarfissaqartitsissasoq.

§ 12-mut

Aalajangersagaq § 12-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap communalbestyrelsimi ilaasortat kommunip allaffisornerani suliat inaarutaasumik ilusilinnik misissuisinnaanerat perarfissippai. Sulianut misissuisinnaanermut siunnersuut naapertorlugu taamaallaat tunniussisoqarsinnaavoq, communalbestyrelsimi ilaasortap ilaasortatut sulinerminnut atatillugu misissuinerani, aammalu suliassat naammassineqareersimasut pineqartillugit. Taamaalluni pingaarnersiorlugu eqqartorneqarsimasunik, allakkianik taamaaqataanillu kommunip allaffisorneraniit tunniussisoqarsinnaanngilaq.

Imm. 2-mut

Aalajangersakkami naqissuserneqarpoq suliamik paasisaqarnissamik kissaateqarnerit borgmesterimut saaffiginnissutigineqartassasut.

Imm. 3-mut

Aalajangersakkami naqissuserneqarpoq borgmesterip sulianut paassisutissinnaanermi itigartitsissuteqarsinnaasoq, sulianik kinguarsaasoqassappat, imaluunniit taamaaliorneq ajornartorsiutinik pilersitsisinnaappat. Annertuumik ajornartorsiuteqarsinnaanermut assersuutigineqarsinnaapput allakkatigut suliat ataatsimut inisisimangippata imaluunniit allakkatigut suliat annertoorujussuuppata.

Sulianut paassisutissiinermut itigartitsineq sunaluunniit toqqammavilersorluarsimassaq.

Imm. 4-mut

Siunnersuut naapertorlugu suliamut atugassat nuutinneri qinnuteqartoqarneratigut nassiunneqassapput. Suliat nuutinnerinik tunniussinissamut communalbestyrelsi pisinnaavoq aalajangersaasinnaanissaminik. Aalajangersakkap communalbestyrelsi periarfissippaa suliamut nuutitanik tunniussinissami najoqqtassanik nalinginnaasunik aalajangersaasinnaalersillugu taamaalillunilu suliani aalajangersimasuni nuutitsinerit amerlassusaannik nalinginnaasumik killiliisinnaalersillugu.

Killiliineq taamaallaat nuutitat qassiusinnaanerinut attuumassuteqarpoq, taamaalillunilu nammineerluni ingerlatsivimmut ornigulluni suliamut attuumassutilinnik qimerluuisinnaanermut attuumassuteqarani.

§ 13-imut

Aalajangersagaq § 13-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Ilaasortap siunnersuutaanik apeqqutaanilluunniit suliaqarnissami communalbestyrelsip pisinnaatitaafffiginngisaaniippat imaluunniit siunnersuutip akuerineqarnerani aalajangiineq inerteqqutaappat communalbestyrelse itigartitsisussaatitaavoq. Taamaakkaluartoq ilaasortap siunnersuutaa apeqqutaaluunniit kommunip ileqqoreqqusai naapertorlugin piffissaq eqqorlugu tiguneqarsimasut borgmesterip itigartissinnaanngilai.

Erseqqissarneqassaaq kommunimi ataatsimiititaliat nammineerlutik oqartussaaffeqartinneqanngitsut, tamanna inatsisiliornermi erseqqissumik aalajangersarneqarsimatinnagu.

Aalajangiisinaatitaanermik piginnaatitaaffik communalbestyrelsimiippoq, taamaalillunilu ataatsimiititaliani nammineerluni aalajangiisinaaffeqassappat tamanna inatsisitigut toqqammaveqartariaqarpoq.

§ 14-imut

Aalajangersagaq § 14-imik atuuttumik oqaasertaanik erseqqissaaviulluni ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersagaq isigineqassaq pisortat ingerlatsinerat pillugu Inatsisartut inatsisaannut suliassani aalajangersimasuni soqtigisaqarneq pissutigalugu aalajangeeqataasinnaannginnermut pissutissaatitaasussanik aalajangersaaffiusumut atatillugu.

Ilaasortat ilaata suliassamut attuumassuteqarnera pissutaalluni aalajangeeqataasinnaannginneranik aalajangiineq amerlanerussuteqarnikkut aalajangerneqartassaaq.

Ilaasortat ilaata soqtigisaqarnini pissutigalugu aalajangeeqataasinnaannginnissaa pillugu apeqqut nakkutilliisutut oqartussaasut misilitassaraat, inaarutaasumilli aalajangiinnissaq eqqartuussisuniippoq nakkutilliisutut oqartussaasunut killilersuutinut Naalakkersuisutut pituttorsimangitsumi. Naalakkersuisut pisinnaatitaanngillat communalbestyrelsip suliamik ingerlatsinera naapertuunnersoq pillugu naliliissallutik, imaluunniit tamanna eqqortumik ingerlatseriaaseqarneq tunngavigalugu ingerlanneqarnersoq nalilissallugu, soorluttaaq kommunit aalajangiineranik atorunnaarsitsisisinnaanermut Naalakkersuisut periarfissaannik killiliiffigineqartut.

Soqtigisaqarneq pissutigalugu aalajangeeqataasinnaannginnermut maleruagassanik nalinginnaasunik siunnersuut imaqanngilaq. Suliassamut soqtigisaqarneq pissutigalugu nalinginnaasumik aalajangeeqataannginnissamut tunngavissaqarnersoq pisuni ataasiakkaartuni pisortat maleruagassaataat nalinginnaasut naapertorlugit aalajangiisoqartassaaq.

Imm. 2-mut

Manna aalajangersagaq ilaasortap attuumassuteqarnera pissutigalugu aalajangeeqataasinnaannginnissaanut periusissamut aalajangersaavoq.

Aalajangersakkami aalajangersarneqarpoq, suliap suliarineqarnerani communalbestyrelsemi ilaasortaq ataasiakkaat nalunaaruteqartussaatitaasut, ilaasortap pineqartup attuumassuteqarnera peqqutigalugu nalornisortoqalersinnaappat.

Imm. 3-mut

Aalajangersakkami siunertaavoq qulakkeerneqassasoq, ilaasortap ataatsip suliassamut attuumassuteqarneq pissutigalugu aalajangeeqataasinnajunnaarsinnejnareratigut communalbestyrelsimi pissaanerup oqimaaqtiginnerata nikisinneqartannginnissaa.

Ilaasortat ilaat suliassamut soqutigisaqarnini pissutigalugu aalajangeeqataasinnaatitaannginnermi saniatigut allamik peqquteqarluni najuutinngippat sinniisussap aggersarneqarnissaa pillugu apeqqut aalajangiiffigineqassaaq § 15 malillugu, ilaasortaq najuutinngitsoq suliassamut soqutigisaqarnini pissutigalugu aalajangeeqataasinnaatitaanngitsutut oqaatigineqassagaluarpualluunniit.

Imm. 4-mut

Aalajangersakkami siunertaavoq qulakkeerneqassasoq, aalajangeeqataasinnaannginneq pissutigalugu sinniisussap aggersarneqarnissaa pillugu maleruagassat atornerlunneqannginnissaat, suliassami communalbestyrelsimi amerlanerussuteqarluartut aalajangiiviginiaagaata aalajangiivigineqarnissaa pinngitsoortinniarlugu imaluunniit inatsisiliornerup imaluunniit isumaqtigiissutit inatsisitigut pisussaaffeqarfiusut pissutissaqartippassuk piffissap aalajangersimasup iluani aalajangiisoqarnissaa.

§ 15-imut

Aalajangersagaq maannamut § 15-imik atuuttumik oqaasertaanik erseqqissaaviulluni ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami pineqarpoq ilaasortap ataatsimiinnermut ataatsimut najuutinnginnissamut pisinnaatitaanera aamma sinniisussap ataatsimiinnermut ataatsimiigiaqquneqarsinnaanera. Suleqatigiit ilaasortamik qinigaatsisimasut piumasaqaateqarsinnaapput sinniisussap ataatsimiinnissamut ataatsimut ataatsimiigiaqqusinissamut.

Tamatumani apeqqutaanngilaq suleqatigiit pineqartut kingusinnerusukkut atorunnaarsinneqarsimanersut imaluunniit allanngortinneqarsimanersut, tassa qinigaaqtigiissimasut akornanni sinniisussap ataatsimiigiaqquneqarnissaanik piumasaqaateqarnissaq isumaqtigiinnngissutaalissappat tamanna aalajangiivigineqartariaqarmat amerlanerussuteqartut aalajangiinerisigut.

Borgmesterip ataatsimiinnissamut nalinginnaasumik piareersaaneranut atatillugu ingerlaannartumik sinniisussamik aggersaasoqarneq ajorpoq. Tamatuma kinguneraa, communalbestyrelsimi ataatsimiinnissat piffissaalluartillugu suleqatigiit pilersaarusiortarnissaq sillimaffigisariaqaraat.

Naqissuserneqassaaq inissitsitissalluni ataatsimiinnissamut aamma kommunip missingersuusiaasa aappassaaneerlugit oqaluuserineqarnissaanut sinniisussamik aggersaatitsinissamik piumasaqaateqartoqarsinnaammat, naak peqataasinnaannginnejtaq taaneqartunik peqquteqanngikkaluartoq, kisiannili assersuutigalugu communalbestyrelsimi ilaasortaq angallanneq pissutigalugu anngussinnaannginnera pissutigalugu. Tamanna pissuteqarpoq ataatsimiinnerni taakkunani pingaarutilerujussuarnik aalajangiivigisaqartarneq, taamaattumillu ilaasortap ataatsip najuutinnginneranik pissuteqartumik sunnerneqartariaqanngitsumik.

Imm. 2-mut

Aalajangersakkut communalbestyrelsimiit aninissamik qinnuteqaatit pillugit qinnuteqarnermut pissutaasut paassisutissanik ilaqtinnejqartarnissaannik qulakteeriniartoqarpoq. Taamaalilluni erseqqilluinnartuussaaq qinnuteqaat anigallarnissamik qinnuteqaataanersoq aqtsinermi inatsimmi akissaateqarani sulinngiffeqarallerneq pillugu maleruagassat naapertorlugit pineqarnersoq imaluunniit qinersisarnermi inatsimmi maleruagassat naapertorlugit aninissamik qinnuteqaat pineqarnersoq.

Ilaasortap aninissani pisariaqartoq siumut takusinnaanngoruniuk sapinngisamik piaartumik borgmesterimut qinnuteqaat nassiuutissavaa.

Ilaasortap ataatsimeeqataasinnaannginnerminik allakkatigut borgmesterimut nalunaaruteqarnissaanik pisussaaffilerneratigut siunnersuutigineqartumi borgmesterip sukkanerpaamik ilisimatinneqareernermigut sinniissussamik piaarnerpaamik ataatsimiigiaqqusisinnaanera periarfissinnejqassaaq.

Aalajangersagaq peqqusivoq pissutissaqavilluni sivikinnerpaamik qaammatini marlunni sivisussuseqartumik peqataasinnaannginnermi sinniisussamik ingerlaannartumik ataatsimiigiaqqusinissamik. Aalajangersagaq atuutilersinneqarnikuvoq sinniisussanik ataatsimiigiaqqusisarnermi periutsit eqaannerulersinniarlugit paasinarsigaangat pissutissaqavilluni communalbestyrelsimi ilaasortatut isumagisassat piffissami sivisungaatsiartumi sivikinnerpaamillu qaammatini marlunni, imaluunniit agguaqatigiisillugu communalbestyrelsip ileqquusumik ataatsimiinnerini marlunni, sivisussuseqartussaasumik peqataaffigineqarsinnaanngippata.

Aalajangersagarli isigineqassanngilaq communalbestyrelsimi ilaasortat sulinngiffeqarallernermut assingusumik najuutinnginnissaminnut nalunaaruteqarnissaannut nalinginnaasumik tunngavissatut, tamannami communalbestyrelsimi ilaasortatut inuiaqatigiinni sullisisuuneranut akerliummat. Piffissami pissutissaqavilluni ataannartumillu najuussinnaanngikkallarneq peqqutaasariaqarpoq. Assersuutigalugu piffissap ingerlanerani ilaasortaq ataatsimiititaliat ataatsimiinneranni najuuttarsinnaaguni communalbestyrelsip ataatsimiinnerini ataatsimeeqataanngitsoortarnissaanut pissutissaqanngilaq.

Akornutigisap pigallartuunera aalajangiisuunngilaq, tassami piffissap qinigaaffiup sinnerani ataatsimeeqataanngitsoortarnissap assigiinnassammagu ilaasortap kommunalbestyrelsimiit tunuarnissaata akuerineqarnissaa, tassalu:

1. sinniisussap communalbestyrelsimi ilaasortangortinneqarnissaa
2. ilaasortap najuutinngitsup qinigaaqtigisimasaasa ataatsimiitaliani inissat inuttaqanngitsut inuttalissagaat.

Ilaasortaq kommunimi najukkaminiit nuukkallarpal kommuninut qinersisarnerni inatsimmi communalbestyrelsimiit tunuarnissaq pillugu maleruagassat malinneqartussaapput.

Kommunalbestyrelsimi qinikkat allattorsimaffianni allassimasut piumasaqarnerisigut imm. 1 naapertorlugu, imaluunniit borgmesterip imm. 2 naapertorlugu sulissuteqarneratigut sinniisussamik ataatsimiigiaqqusineqaraluarpuunniit communalbestyrelsi pisussaavoq aalajangjivigissallugu sinniisussap ataatsimiigiaqquneqarnissaanut piumasaqaataasut naammassineqarsimanersut isummerfigissallugu. Pingaartumik pineqarput communalbestyrelsimi ilaasortap kingoraarneqartup najuutinngikkallarnissaanut pissutaasut tunngavissaqarnersut imaluunniit sinniisussaag aggersarneqarsimanngippat tamanna pisariaqarnersoq.

Aalajangersakkap oqaasertai "ningaasarsiaqarani sulinngiffeqarallarneq" imaluunniit "sulinngiffeqarallarneq" aalajangiisuupput aqtsinermut inatsimmi malittarisassat malillugit sulinngiffeqarallarnissamik qinnuteqarneq aamma kommunini qinersisarneq pillugu inatsimmi malittarisassat malillugit ilaasortaajunnaarnissamik qinnuteqarneq assigiinngissuteqarmata.

Sulinngiffeqarallarnissamik qinnuteqaammi pissutaasutut tunuliaqtaasoq pillugu paasissutissaq ilaatinneqassaaq aamma tamatumunnga aporfiusutut pissutaasup qanoq sivisutiginissaa naatsorsuutigineqarnersoq.

Imm. 3-mut

§ 15, imm. 3-mi allannguut imm. 2-p oqaasertaasa malitsigisaannik sunniutaasumik iluarsiissutaavoq. Taamatuttaaq ilaasortat sulinngiffeqarallarsinnaatitaanerannut nalilersuinermut tunngavissanik allanngorttsisoqarnissaa eqqaarsaataanngilaq.

Kommunalbestyrelsip aalajangiinera nakkutiliisutut oqartussaasunit misilinneqarsinnaatitaavoq, pisariaqartinneqarsimappallu eqqartuussivinnut ingerlateqqinneqarsinnaalluni.

Imm. 4-mut

Aalajangersakkap naqissuserpaa, sinniisussaak communalbestyrelsimi ilaasortap piffissami atorfissarisaminit pisinnaannginnerani taamaallaat atuuffeqassasoq.

Imm. 5-mut

Borgmesteritut qinigaasup piffissami sivisunerusumi peqannginnissaani kiap borgmesteritut atuunnissaa pillugu apeqqummi communalbestyrelsip pituttorsimanani aalajangiisinnanissa siunnerfigalugu aalajangersagaq ilanngunneqarpoq.

Borgmesterip isumagisassaanik borgmesterip tulliata tigusicinnaanera, tak. § 22, taamaallaat pineqarpoq borgmesterip pisinnaanngikkallarnera qaammatinik sisamanik taakkuluunniit inorlugit sivisussuseqartussaasutut nalilerneqarpat.

Borgmesterip pisinnaanngikkallarnera qaammatinik sisamanik inorlugit sivisussuseqartussaasutut nalilerneqarnerata kingunerisaanik borgmesterimik nutaamik matumani aalajangersagaq malillugu qinersisoqarsimanngippat, borgmesterimik qinersisoqassanngilaq borgmesterip najuutinngikkallarnera qaammatinik sisamanik sivisunerusumik sivisussuseqaraluarpalluunniit. Taamaattumik borgmesterimik nutaamik aatsaat qinersisoqassaaq communalbestyrelsip siuumoortumik nalilerpagu borgmesteri piffissamit tassannga sivisunerusumik peqassanngitsoq. Malittarisassaaq manna naapertorlugu borgmesterimik nutaamik qinersisoqarsimappat taanna borgmesterip najuutinngikkallarfissaanut tamarmiusumut qinigaassaaq, taamaattumillu tunuartinneqarsinnaassanani, § 23-mi piumasaqaataasut naammassineqarsimanngippata.

§ 16-imut

Aalajangersagaq § 16-imik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkakut aalangiiffigineqartunik imaqarniliap ilaasortanit ataatsimiinnermut peqataasimasunit ataatsimiinnerup kingornatigut atsiorneqarsimanissa aalajangersarneqarpoq.

Aalajangersakkak naqissuserpaa immikkut isumallit imaqarniliamut ilanngunneqarsinnaasut.

Imm. 2-mut

Imaqarniliap ataatsimiinnerup kingorna atsiorneqarnissa borgmesterip akisussaaffigivaa.

Imm. 3-mut

Siunnersuutikkut ilaasortat IT atorlugu periarfissat atorlugit atsiorsinnaatitaanissaat qulakkeerneqarsinnaassaaq, assersuutigalugu imaqarniliap assinga fax-ikkut atsiorsinnaallugu imaluunniit allatigut ilaasortap atsiornerata ilumuussusianik qulakkeerinnttoq.

Imm. 4-mut

Aalajangersakkami aalajangersarneqarpoq imaqarniliaq atsiorsimasoq kingusinnerpaamik qaammat ataaseq qaangiutsinnagu atsiorneqarnerata kingorna nakkutilliisutut oqartussanut nassiuunneqassasoq.

§ 17-imut

Aalajangersagaq § 17-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Kommunalbestyrelsip ataatsimiinnerinut piareersaassalluni aggersaassallunilu borgmesterip akisussaaffigivaa. Ataatsimiinnissamut piareersaaneq tassaavoq ullormut oqaluuserisassanik suliaqarneq aammalu kommunalbestyrelsimit ataatsimiinnermi suliassanik ataasiakkaanik paasissutissanik suliarinninneq. Taamatuttaarlu borgmesteri pisussaavoq isumaqatigiinniarnerit taasinerillu aqussallugit kiisalu aalajangiinerit imaqarniliamut allanneqarnissaat isumagissallugu.

§ 18-imut

Aalajangersagaq § 18-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap naqissuserpaa borgmesteri suliani apeqquserneqarsinnaanngitsuni aalajangiisinnaasoq aammalu suliani kinguartinneqarsinnaanngitsuni aalajangiisinnaasoq.

Piumasaqaataasoq taamaallaat naammassineqarsimassaaq, borgmesterip suliaq apeqquserneqarsinnaanngitsutut isigippagu aammalu nalileruniuk ilaasortat allat tamarmik suliap apeqquserneqarsinnaanngitsutut isigineqassasoq. Naammassisassami aalajangersimasumi kommunalbestyrelsimi amerlanerussuteqartoqarnissaa qularnanngitsutut isigineqarpat borgmesterip nammineerluni suliaq aalajangiiffigisinnaavaa amerlanerussuteqarneq qularutigineqanngippat.

Assersuutigalugu suliaq kinguartinneqarsinnaanngitsutut taaneqarsinnaavoq illoqarfimmi ikuallannersuarmik nalaataqarnissamik ernumanartoqarpat, taamaalillunilu erngertumik ikiorserneqarnissamik pisariaqartitsisoqarpat.

Suliani apeqquserneqarsinnaanngitsuni assersuutigineqarsinnaavoq kommunalbestyrelsi suliamut assingusumut qanittukkut aalajangiissuteqarsimappat.

Imm. 2-mut

Aalajangersakkami aalajangerneqarpoq borgmesterip imm. 1 naapertorlugu aalajangikkat kingusinnerpaamik kommunalbestyrelsip ileqquusumik ataatsimiinnerani siullermi kommunalbestyrelsimit ilisimatitsissutigisassagai.

§ 19-imut

Aalajangersagaq § 19-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Kommunip allaffissornikkut ulluinnarni aqutsinera borgmesterimit ingerlanneqarpoq, borgmesterip akisussaaffigivaa kommunip suliassai naleqqunnerpaamik naammassineqartassasut. Borgmesterip suliassat naammasineqarnissaat siunertaralugu suliassat ingerlatsivinnut suliakkiutigeqqissinnaavai, taamaattorli borgmesterip suliassat naammasineqarnissaat pingaarnertut akisussaaffigivaa.

Kommunimut suliassanik nutaanik takkuttoqarpat ataatsimiitaliamut attuumassuteqartumut aqutsinermut ileqqoreqqusaq naapertorlugu suliassaqrifusumut qaninnerpaamut inissinneqassapput. Aqutsinermi ileqqoreqqusami suliassap inissinneqarnissaal nalornissutigineqartillugu kommunalbestyrelsi tamatumunnga aalajangiisariaqarpoq pisariaqarpallu aqutsinermi ileqqoreqqusami allanngortitsisariaqassaaq.

Imm. 2-mut

Aalajangersakkap naqissuserpaa borgmesterip akisussaaffigigaa aningaasaliissuteqartoqartinnagu aningaasartuuteqartoqassanngitsoq imaluunniit isertitaqartoqarsimassanngitsoq. Aningaasaliissut tassaavoq ukiumut missingersuummi aningaasartuutissatut aalajangiunneqarsimasoq.

§ 20-mut

Aalajangersagaq § 20-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap naqissuserpaa borgmesteri kommunip allaffissornikkut qullersatut akisussaasutut ataatsimiitaliani tamani ataatsimiinnerni peqataasinnaatitaasoq. Aalajangersakkap taamatuttaaq naqissuserpaa, ataatsimiitaliani ataatsimiinnermut ullormi oqaluuserisassanik aammattaaq imaqarnilianik borgmesteri nassinneqartassasoq.

Borgmesterip ataatsimiitaliani ataavartuni ataatsimiinnerni peqataasarnissaata avataatigut aammattaaq ataatsimiitaliaagallartuni aammalu siunnersuisoqatigiinni ataatsimiitaliani peqataasarnissaanut ilaavoq.

Imm. 2-mut

Aalajangersakkap naqissuserpaa, borgmesteri kommunip allaffisorneranut qullersatut inisisimanermigut ataqatigiissaariner mik akiusussaasutut atuuffeqartoq. Aalajangersagaq suliani ataatsimiititaliap allap oqartussaaffigisaanut tunngasuni ataatsimiititaliap isumasioqatigiissuteqaqqarfingisimasassaanut atatillugu isigneqassaaq.

Imm. 3-mut

Aalajangersagaq kommunip ingerlanneqarneranut atatillugu borgmesterip ataqatigiissaarisinnaaneranik nukittorsaanermut atavoq. Borgmesteri akuliussinnaavoq suliani ataatsimiititaliani suliarineqartuni sulianilu allaffissornikkut suliarineqartuni. Pineqartumi kingullermi communalbestyrelsimit saqqummiussineq pisassaaq ataatsimiititaliaq attuumassuteqartoq aqqutigalugu, pisariaqarpallu aningaasaqarnermut ataatsimiititaliaq aqqutigalugu suliaq kommunimut aningaasatigut kinguneqartussaatillugu.

Akuliussinnaanermut pisinnaatitaaffiup atorneqarnera annertunerusumik tunngavilersortariaqanngilaq, taamaallaalli borgmesteri isummersimassaaq communalbestyrelsi suliamut isummertussaanera pisusissamisuussasoq. Akuliussinnaanermut pisinnaatitaaffik assersuutigalugu atorneqarsinnaavoq suliaq tunngaviatigut isummernissamik ima imaqartigippat borgmesteri isumaqarpal suliarineqartoq communalbestyrelsimit isummerfigitittariaqarsoralugu imaluunniit aamma ataatsimiititaliap aalajangernera borgmesterip isumaqatiginngippagu.

Ataatsimiititaliap aalajangiuppagu suliaq borgmesterip akuliuffigisimasa ingerlateqqinniarnagu, taava communalbestyrelsimit saqqummiussisussaatitaaneq ataatsimiititaliap pisussaaffigisaa atorunnaassaaq. Tamatumani akornusissanngila communalbestyrelsimit ilaasortat suliamik communalbestyrelsimit saqqummiussisinnaanerat.

§ 21-mut

Aalajangersagaq § 21-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Aalajangersagaq kommunit inatsisitigut pisussaaffigalugit isumaqatigiissuteqarsinnaanerisa atortussaassusiinut tunngassuteqanngilaq.

Inuk alla allagartanik inatsimmi aalajangersakkami taaneqartunik atsiortussaq pisariaqanngilaq communalbestyrelsimit ilaasortaasariaqartoq kommunimiluunniit atorfekartariaqartoq, taannali pineqartoq taamaallaat isumaqatigiissuteqarsinnaasussaassaaq nammineersinnaanermut iliuuseqarsinnaanermullu piumasarisat nalinginnaasut naammassisimaginegit.

Inuit atsiortut kinaassusiannut uppernarsaatit uppernarsaatit takuneqarsinnaassapput kommunalbestyrelsip aalajangiinermi imaqarniliaani.

§ 22-mut

Aalajangersagaq § 22-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersagaq borgmesterip tulliata sulineranut atatillugu maleruagassanut aalajangersaavoq.

Aalajangersakkami aalajangiiffigineqanngilaq qanoq pisoqartillugu borgmesteri tunuarallartassasoq, tamatumani pisut ataasiakkaat aalajangersimasut naliliiffigineri aallaaviusassammat. Borgmesterip aalajangertassavaa pineqartup suliassani qanoq ilinikkut sularisinnaanngikkai.

Kommunalbestyrelsip ataatsimiinnerini borgmesterip borgmesterip tullia kissaateqarfingisinhaavaa ataatsimiinneq aqoqqullugu borgmesterip oqarasuaatikkut imaluunniit videokkut isiginnaarutikkut ataatsimiinneq aqukkusunngippagu.

Imm. 2-mut

Aalajangersakkami erseqqissarniarneqarpoq borgmesterip qaammatisiummi ulluni ikinnerpaamik 21-ni borgmesteritut suliassani ingerlassinnaanngippagit kommunalbestyrelsip borgmesterip tullia pisussaaffilersinnaagaa borgmesterip suliaanik tamanik tigusinissaanik, allaffeqarfimmi aqutsineq taamalu aningasaqarnermut ataatsimiitaliamut siulittaasuuneq ilanngullugit, taamalu pisoqartassalluni borgmesterip nammineq borgmesterip tullia qinnuvigisimanngippagu suliani tigoqqullugit.

§ 23-mut

Aalajangersagaq § 23-mik atuuttumik ilaatigut ingerlatitseqqinneruvoq, Borgmesteri sakkortuumik arlaleriarlunilu suliassani sulariumanngippagit, kommunalbestyrelsip borgmesteri soraarsissinnaagaa siunnersuutigineqarpoq. Aalajangiineq atuuttussanngortinnejannginnermini Nakkutilliisoqarfimmit atuuttussanngortinnejassaaq.

Imm. 1-imut

Aalajangersakkami pineqarpoq suliassamik ataatsimik imaluunniit suliassat ikitsunnguuusunik killeqartunillu borgmesteri sularinninngikkusussanngippat. Taama pisoqarsinnaanera akuerineqarsinnaanngilaq, borgmesteri aalajangersimasumik akissarsiaqartinnejqarpas. Aalajangersakkami borgmesterimut suliassaminik naammassinnikkusunngitsumut kommunalbestyrelsi immikkut akuliussinnaaneranut periarfissiivoq.

Imm. 2-mut

Borgmesterimik soraarsitsineq aatsaat pisinnaavoq borgmesteri annertuumik imaluunniit arlaleriarluni suliassaminik naammassinnikkusunngippat. Annertuumik imaluunniit arlaleriarluni suliassanik naammassinnngikkusunnginneq ima paasineqassaaq, piumasaqaatit taakkua marluullutik ataatsikkut naammassineqarsimasut soraarsitsinermik kinguneqartitsisoqassappat. Soorunami pisuni ataasiakkaani nalilersuisoqassaaq, naammassinnngikkusunneq qanoq annertutigissanersoq, soraarsitsinermik kinguneqartariaqarluni. Taamattaaq naammassinnngikkusunneq annikinnerusoq kisiannili arlaleriarlugu naammassineqarusunngippat taamatut pisuni ataasiakkaani nalilersuereernikkut soraarsitsinermik kinguneqarsinnaanera naammassaaq. Kommunalbestyrelsip tunuartitsinissamik aalajangiineriit Nakkutilliisoqarfiup aalajangiinermik atuuttusanngortitsinissaata tungaanut borgmesteri tunuartinnejarallassaaq.

Imm. 3-mut

Aalajangersakkami aalajangerneqarpoq Nakkutilliisoqarfiup soraarsitsinermik aalajangerneq misilissagaat taamalu misissussallugu eqqortumik aalajangersimaneq tunngaveqarnersoq.

Imm. 4-mut

Soraarsitsinermik aalajangiineq eqqartuussisunut ingerlateqqinnejarsinnaanngilaq. Tamatumani kommunimi patajaatsumik aqutsisoqarnissaa qulakteerniarlugu pivoq.

§ 24-mut

Aalajangersagaq § 24-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami siunertarineqartoq naapertorlugu communalbestyrelsi aningaasaqarnermut ataatsimiititaliamik pilersitsisussaatitaavoq.

Imm. 2-mut

Borgmesteri aningaasaqarnermut ataatsimiititamut siulittaasussaatitaavoq. Aalajangersagaq borgmesterip taartissaanik toqqaasinnaatitsinngilaq.

Imm. 3-mut

Aalajangersakkami aningaasaqarnermut ataatsimiititaliami ilaasortat amerlassusilerneqarput. Ataatsimiititaliami qinersinermi naligiittoqarnissaa pinngitsoorniarlugu akunnattumik amerlassusiliisoqarpoq. Aalajangersakkamittaaq ilaasortanut tamanut, borgmesteri minillugu, taartissanik toqqaanissamik pisussaaffiliisoqarpoq. Tamanna pisussaaffik ilanngunneqarpoq

aninaasaqarnermut ataatsimiititalami ilaasortat nalinginnaasut tunuarpatataatsimiititaliaq pisinnaajunnaarsinnaanissaa pinngitsoortinniarlugu.

Imm. 4-mut

Akerlianik immikkut ataatsimiititaliat,tak. § 32 imm. 8, aningaasaqarnermi ataatsimiititaliamut qinikkat kommunalbestyrelsimi ilaasortaasussaapput, tamanna peqquteqarpoq ataatsimiititaliaq inatsit naapertorlugu kommunalbestyrelsi sinnerlugu aalajangernissamik piginnaatitaammat, akerlianillu immikkut ataatsimiititaliat taamaallaat killilimmik piginnaatitaaffeqarmata sulianut aalajangersimasunut atatillugu imaluunniit kommunalbestyrelsip, aningaasaqarnermi ataatsimiititaliamut imaluunniit ataatsimiititalianut ataavartunut piareersaanernik suliaqartarmata imaluunniit siunnersuinermik ingerlatsisarmata.

Aalajangersakkap naggataata ersarissarpaa, ataatsimiititalianut inunnik qinersinerni kommunalbestyrelsi toqqaasinnaanngitsoq qinigaanerit kommunalbestyrelsip atuuffianit sivikinnerusumik atuuffeqartussanik.

§ 25-*imut*

Aalajangersagaq § 25-mik atuuttumik ingerlatitseqqiineruvoq, imm. 4 manna tikillugu ileqqooreersunik inatsimmut ilanngussinerusoq minillugu.

Imm. 1-imut

Aningaasaqarnermut ataatsimiititaliaq Inatsisartut inatsisaat malillugu inatsisitigut pisussaaffigalugu kisiartaalluni ataatsimiititaliaammat eqqortuliornerpaanerussasoq isumaqartoqarpoq aningaasaqarnermut ataatsimiititaliap suliassai toqqaannartumik Inatsisartut inatsisaanni allaaserineqarpata atuutsinermut ileqqoreqqusamiunngitsoq.

Aalajangersakkap qulakkeerpaa aningaasaqarnermi ataatsimiititaliaq ataqtigiissaarinissaq eqqarsaatigalugu piginnaassutsinik sakkortuunik piginnaatitaassasoq, taamaalilluni immikkoortualukkaartumik aqutsisoqalinnginnissamik ineriartortoqalernissaa pinngitsoorumallugu. Pingaaruteqarpoq aningaasaqarnermi ataatsimiititaliami aamma kommunalbestyrelsimi kommunip suliassaani amerlasuuni tamakkerlugu isiginninnermik qulakkeerisoqassasoq taamaalilluni suliassat pimoorussamik tulleriiarsinnaanerinik periarfissaqarsinnaaqquullugu.

Nr. 1 pillugu: Aalajangersakkap naqissuserpaa aningaasaqarnermi ataatsimiititaliaq ataqtigiissaarisutut ingerlatsiviusoq aammalu naqissuserlugu aningaasaqarnermi ataatsimiititaliap oqaaseqaatai aningaasaqarnermi suliani tamani aamma allaffissornermi suliani piniarneqartassasut tamakkua kommunalbestyrelsip aalajangiunneqarnissaanut saqqummiunneqartinnagit.

Nr. 2 pillugu: Aalajangersagaq ilaatigut kommunit ingerlatsinerannik atuuttumik naqissuseqqiineruvoq, ilaatigullu kommunip aqunneqarnerani kommunaldirektørítut atorfik qanoq pingaaruteqartigineranik erseqqissaassutaalluni.

Nr. 3 pillugu: Aalajangersakkap naqissuserpaa aningaasaqarnermi ataatsimiititaliaq kommunip suliassaani tamani karseqarnermut aamma naatsorsuuserinermut attuumassutilinnut suliassanut tamanut akisussaasusoq aammalu Naalakkersuisut konto-t ingerlannerinik maleruagassanik atuuttuni aalajangersagaanni eqqortitsinissap qulakkeerneqarnissaa ilanggullugu.

Nr. 4 pillugu: Aalajangersakkami aningaasaqarnermut ataatsimiititaliaq aningaasaqarneq pillugu pilersaarusiornissamut tunngavissiorissamut pisussaaffilerneqarpoq. Taamaattumik communalbestyrelsimi ataatsimiititaliat allat ingerlatsinerminni tunngaviit taakku pisussaaffigissavaat.

Nr. 5 pillugu: Aningaasaqarnermut ataatsimiititaliaq peqquneqassaaq nalinginnaasumik ileqqoreqqusnik aalajangersaaqqullugu. Ataatsimiititaliat allat aalajangiineranni malitassat taakku pinngitsooratik malitassaapput.

Imm. 2-mut

Aalajangersakkami aalajangersarneqarpoq aningaasaqarnermut ataatsimiititaliap piginnaatitaaffii annertusineqarsinnaasut aamma ingerlatsiviit allat oqartussaaffii ilaatilerlugit. Kommunalbestyrelsi aqtsinermik ileqqoreqqusani aalajangiisinnaavoq assersuutigalugu inuussutissarsiornermut suliassat tunngassuteqartut aningaasaqarnermi ataatsimiititaliam ingerlanneqarsinnaasut. Ingerlatseriaaseq tamanna communalbestyrelsip qinerpagu ataatsimiititaliaq taagorneqassaaq inuussutissarsiornermut aamma aningaasaqarnermut ataatsimiititaliaq.

Imm. 3-mut

Missingersuusiorneq kommunimut annertuumik pingaaruteqarmat, aalajangersakkami communalbestyrelsimit ilaasortat, aalajangersakkami aningaasaqarnermut ataatsimiititaliamut ilaasortaanngitsut missingersuusiornermut atatillugu apeqputinut paasisaqarsinnaanerunissaat siunertarineqarpoq.

Imm. 4-mut

Aalajangersakkap naqissuserpaa nalinginnaasumik § 16-imut innersuussinikkut ikinnerussuteqartut pisussaaffiinik aammattaaq communalbestyrelsini imaqarnilianut tunngatillugu aamma aningaasaqarnermut ataatsimiititaliam atuuttuusoq. Aammattaaq § 16-imut innersuussutip naqissuserpaa imaqarniliaq atsiorneqarneraniit kingusinnerpaamik qaammat ataaseq qaangiutsinnagu Naalakkersuisunut assilineranik nassitsisoqassasoq.

§ 26-imut

Aalajangersagaq § 26-imik atuuttumik aaqqissuussaanera allannguiffagalugu ingerlatseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq kommunit nammineerlutik ataatsimiititaliat aaqqissuuneqarnerannik pilersaarusiussasut suliat naammassineqarnissaannut immikkut inatsiseqarnermi piumasaqaataasut naapertorlugit.

Aalajangersakkap kinguneranik aqtsinermi ileqqoreqqusaq nalinginnaasoq ataatsimiititaliat ataavartut taakkualu suliassaannik malittarisassanik ataasiakkaanik imaqanngilaq, kisiannili Naalakkersuisut nakkutilliisutut oqartussatut aqtsinermik ileqqoreqqusat kommunini ataasiakkaani immikkut inatsiseqarneq naapertorlugu pisussaaffit akerliunersut misissorsinnaassavaat.

Imm. 2-mut

Aalajangersakkami ataatsimiititalianut ataavartunut ilaasortatut qinerneqartussat amerlassusaat aalajangersarneqarput. Aalajangersakkami siunertarineqartup aningaasaqarnermut ataatsimiititaliap katitigaaneranut aalajangersagaq assigaa, pissutigalugu maani aalajangiisinnaanermut siunertap assinga atuummat.

Imm. 3-mut

Aalajangersakkami aalajangerneqarpoq ataatsimiititaliani ataavartunut qinersineq aningaasaqarnermi ataatsimiititaliamik qinersinerup kingorna pissasoq.

§ 27-mut

Aalajangersagaq § 27-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Ataatsimiititaliani ataavartuni ilaasortaasut tamarmik ataatsimiititaliami siulittaasutut qinerneqarsinnaanermik pisussaaffeqarput.

Imm. 2-mut

Aalajangersakkap siunertaraa ataatsimiititaliap sulinera eqaannerusumik ingerlanneqarsinnaanissaa, minnerunngitsumik ataatsimiititalianut ataatsimiinnissamik aggersaaneq ilaatigut ajornartorsiuteqarfiusinnaammat, assersuutigalugu ataatsimiititaliamik ilaasortat nunaqarfimmi najugaqarpata.

Aalajangersakkami naqissuserneqarpoq ataatsimiititaliap siulittaasuata sulianik aalajangiisinnaanera, ataatsimiititaliamut ataavartumut saqqummiunneqartussaagaluartumut. Ataatsimiititaliami ataavartumi siulittaasoq kommunip allaffissornerata ilaanut ulluinnarni

aqutsisutut assersuuneqanngilaq taamaalillunilu aalajangersakkap ataavartumik ataatsimiititaliap piginnaatitaaffiata aammalu borgmesterip allaffissornermi ulluinnarni aqutsisuatuut pisinnaatitaaffiisa killiunik allangortitsinngilaq.

Ataatsimiititaliap ataavartup siulittaasua sulianik nukinginnartunik aammalu suliani apeqquserneqarsinnaanngitsuni aalajangiisinnaanermik piginnaatitaaffiup avataatigut tunineqarusuppat, tamanna ataatsimiititaliap ilaasortat tamarmik isumaqatigiissutigippassuk pisinnaavoq.

Suliani oqariaatsip "apeqquserneqarsinnaanngitsoq" nassuiardeqarnerani piumasaqaataavoq, ataatsimiititaliap siulittaasuata nalilissagaa, ataatsimiititaliam iilaasortat tamarmik, tassalu amerlanerussuteqartuinnaanngitsut suliaq apeqquserneqarsinnaanngitsutut isigissagaat.

Aalajangersagaq suliassani nukinginnartuni pisoqartillugu borgmesterimut ilisimatitsisussaatitaaneq toqqammaveqarpoq borgmesterip ataqtigiissaarinissamut periarfissinneqassammat aammalu ataatsimiititaliap ataavartup ingerlatsineranut borgmesterip akuliunnissaanut pisinnaatitaaffeqarneranik toqqammaveqarpoq.

Imm. 3-mut

Aalajangersakkap ersarissarpaa siulittaasutut immikkut piginnaatitaaffiit ataatsimiititaliat aqunneqarneri toqqammaviatigut allanngortinneqanngitsut. Taamaalillunilu siulittaasoq ataavartumik ataatsimiititaliat aalajangiinerannik malinnittussaavoq.

Ataatsimiititaliamut atatillugu siulittaasup suliassarai ataatsimiinnerit piareersarneri, ataatsimiinnerni aggersaaneq, ataatsimiinnerni aqutsineq il.il.

§ 28-mut

Aalajangersagaq § 28-mik atuuttup ilaanik ingerlatitseqqinneruvoq. Allaffissornikkut ikorsiineq qanoq ilusilik ataatsimiititalianut ataavartunut atugassiissutigineqassanersoq borgmesterip aalajangertassagaa siunnersuutigineqarpoq.

Imm. 1-imut

Aalajangersakkap naqissuserpaa ataatsimiititaliat sulinerat ataatsimiinnerni ingerlanneqassasut.. Tele atorlugu attaveqaatinik teknologi atorlugu aalajangersakkanik peqartoqanngilaq taamaattumillu ataatsimiititaliat ataasiakkaat pisut ataasiakkaat naapertorlugit naliliisassapput suut tele-kkut attaveqaatitigut teknologi atorneqartassanersut.

Imm. 2-mut

Suleriaasissamik maleruagassaqartoqarnissaanik piumasaqaat ima isumaqanngilaq kommunalbestyrelsip suleriaasissatut maleruagassaata assinganik allassimasumik

suleriaaseqartoqassasoq. Aalajangersagaq pingarnerusutigut isumaqarpoq communalbestyrelsi ataatsimiititaliap ataavartup isumaqatigiinniarnerinut periaasissanikakuersissuteqarsinnaanngitsoq.

Imm. 3-mut

Aalajangersakkap naqissuserpaa nalinginnaasumik § 16-imut innersuussinikkut ikinnerussuteqartut pisussaaffiinik aammattaaq communalbestyrelsini imaqarnilianut tunngatillugu aamma ataatsimiititaliami atuuttusoq. Aammattaaq § 16-imut innersuussutip naqissuserpaa imaqarniliaq atsiorneqarneraniit kingusinnerpaamik qaamatmataaaseq qaangiutsinnagu Naalakkersuisunut assilineranik nassitsisoqassasoq.

Imm. 4-mut

Aalajangersakkap naqissuserpaa qaqugukkut ataatsimiititaliami ilaasortaangitsut ataatsimiititaliap ataatsimiinnerini najuussinnaatitaasut, tassami aallaaviummat ataatsimiititaliani ataatsimiinnerit matoqqasuuneri.

Aalajangersakkap ataatsimiititaliaq periarfissippaa ingerlatsisoqarfimmi ikorsiinissamik piumasaqarsinnaalersillugu, kisiannili borgmesterip allaffisornermi ulluinnarni qullersatut aqutsisutut, pisariaqarpat ataatsimiititaliaq pineqartoq tusniareerlugu aammalu ataatsimiititaliap siulittaasua oqaloqatigereerlugu, aalajangissallugu allatseqarnermi ikiorteqarneq sorleq ikorsiissutaassanersoq aalajangissallugu.

Ataatsimiititaliaq ataavartoq aamma atorfilinnik aggersaasinnaavoq paassisutissanik oqaatsitigut nassuaassinissaq imaluunniit assigisaanik tigusaqarnissaq siunertaralugu. Ataatsimiititaliaq ataavartoq ataatsimiititaliami ataavartoq atorfilinnik peqataasoqarnissaanik akuersisummit nalinginnaasumik tunisisinnaanngilaq. Atorfillit ataatsimiititaliap ataatsimiinneranut paasisutissiissallutik aggersarneqartut ataatsimiinnerni pisussaatitaapput peqataassallutik, communalbestyrelsi imaluunniit borgmesteri allamik aalajangersimanngippat.

Aalajangersakkami aamma pineqarpoq atorfilittaanngitsut ilaatigut communalbestyrelsimi ilaasortat allat ilanngullugit, ataatsimiititaliani peqataasinnaatitaaneri. Aalajangersakkap erseqqissarpaa inuit pineqartut taamaallaat ataatsimiititaliap ataatsimiinnerinut aggersarneqarsinnaasut suliami aalajangersimasumik paasisutissiinissaannik toqqammaveqarpat. Akerlianik kommunimi atorfilinnut, atorfeqartuunngitsut ataatsimiititaliat ataavartut isumaqatigiinniarneri najuuffigisinnaavaat taasisitsinerilli najuuffigisinnaanagit.

Aalajangersakkami anguniarneqarpoq ataatsimiititaliani ataatsimiinnerit sulisuunngitsuniit peqataaffigineqarnissaat killilorsorneqassasoq minnerunngitsumik anguniarlugu ataatsimiititaliat ataatsimiinnerini ataatsimiititaliami ilaasortat communalbestyrelsimi ilaasortaasut avataatigut peqataasannginnissaat, taamaallillugu isumaqatiginninniarnerit communalbestyrelsip

ataatsimiinnerini ammasunit ataatsimiititalami ataatsimiinnerni matoqqasuuusunut nuunneqarnissaat ernumassutigineqarsinnaammatt.

Imm. 5-mut

Aalajangersakkami pineqarpoq kommunit aalajangeeriaasaat aammanerulernissaannik kissaateqarneq tunulequtaralugu.

§ 29-mut

Aalajangersagaq § 29-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq ukiumut missingersuummi akuerineqartumi killiliunneqartut iluanni ataatsimiititaliap ataavartup susassaqarfini pisussaaffigissagai.

Imm. 2-mut

Aalajangersakkakut aalajangerneqarpoq ataatsimiititaliaq ataavartoq ataatsimiititalianik attuumassuteqartunik isumaqtiginninniartassasoq, ilaatigut aningaasaqarnermut ataatsimiititaliamik, ataatsimiititalianik ataavartunik allanik aammalu ataatsimiititaliat allat aalajangiisoqartinnagu isumaqtiginniartassagai. Pisariaqartillugu ataatsimiititaliap ataavartup isumaqtiginninniartoqartillugu pisariaqalerpat borgmesteri isumaqtiginninniarnerni ilanngutsissinnaavaa.

Imm. 3-mut

Aalajangersakkakut aalajangerneqarpoq tamanna kissaatigineqaraangat ukiumut missingersuutinut aammalu missingersuusianut siunnersuutinut ataatsimiititaliaq ataavartoq ilanngussisassasoq. Ataatsimiititaliaq ataavartoq ilanngussaqarnissaminut pisussaavoq aningaasaqarnermut ataatsimiititaliap tunniussinissamut killissarititaa tikitsinnagu.

§ 30-mut

Aalajangersagaq § 30-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Aalajangersakkami aalajangerneqarpoq ataatsimiititalami ilaasortaq kinaluunniit kommunalbestyrelsimit suliassanngortitsisinnaasoq, taamaalillugulu aalajangiisinjaassuseq ataatsimiititaliamiit nuussinjaallugu.

§ 31-mut

Aalajangersagaq § 31-imik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap kommunalbestyrelse aaqqissukkanut oqaloqatigiiffinnullu kommunit kommunalbestyrelsilluunniit sinniisoqarfigisassaannut ilaasortassanik toqqaasusssanngortippaa. Assersuutaasinnaapput ingerlatsivinni imminnut pigisuni siulersuisut pisortanit sinniisullit.

Imm. 2-mut

Aalajangersakkut aalajangiunneqarpoq ataatsimiititaliami ataavartumi qinersinerup kingorna ataatsimiititalianik allanik, isumalioqatigiissitani il.il. qinersisoqassasoq.

Aalajangersakkap naggataani § 24, imm. 4-mi aalajangersarneqartoq naapertorlugu kommunalbestyrelsi ataatsimiititalianut il.il. inunniq qinersinerni aalajangiisinnaanngitsoq qinigaaffiit kommunalbestyrelsip atuuffianiit sivikinnerusumik atuutissasut.

Imm. 3-mut

Ataatsimiititalianut il.il. § 31, imm. 1-imti taaneqartunut tunngatillugu kommunalbestyrelsi kommunalbestyrelsimi ilaasortaanngitsunik allanik ilaasortassatut toqqaasinnaanngillat, tamanna inatsisitigut tunngavissaqanngippat. Kisiamili kommunalbestyrelsi inatsisinik allanik immikkut ittumik tunngaveqarani kommunalbestyrelsimi ilaasortaanngitsunik, imm. 1-imti taaneqartut saniatigut sulialinnik toqqaasinnaavoq.

§ 32-mut

Aalajangersagaq § 31a-mik atuuttup ilaanik ingerlatitseqqiineruvoq. Kommunalbestyrelse najukkani ataatsimiititalianik pilersitsinissaa aningaasanillu siunertanut aalajangersimasunut akuerineqarnikkut atorsinnaasaannik tunniussinissaa siunnersuutigineqarpoq.

Siunnersuutigineqarportaaq najukkani ataatsimiititaliani ilaasortat akissarsiaqarsinnaassasut. Aamma allannguisoqarnissaa siunertarineqanngilaq.

Imm. 1-imut

Kommunalbestyrelse kommunigisami kommunip ingerlatsiviata qullersaqarfinginngisaannut illoqarfinnut tamanut najukkani ataatsimiititalianik pilersitsissasoq siunnersuutigineqarpoq. Aalajangersagaq Naalakkersuisut kommunini innuttaasut ataasiakkaat najukkaminnut tunngasunik aalajangeeqataasinnaanissaannik kissaateqarnerannik pissuteqarpoq.

Imm. 2-mut

Aalajangersakkami kommunalbestyrelse najukkami ataatsimiititaliat qinersinissaannut maleruagassioruttaatinnneqarput.

Imm. 3-mut

Siunnersuutigineqarportaaq kommunalbestyrelse najukkani ataatsimiititalianut suliassanik aalajangiisinhaassutsinillu aalajangersimanerusunik tunniussaqarsinnaasoq.

Imm. 4-mut

Aalajangersakkakut siunnersuutigineqarpoq kommunalbestyrelsi aningaasanik atugassanngortitsisussanngortitaassasoq najukkani ataatsimiititaliat tamanut ammasumik tusarniaanernut, kulturimut, timersornermut inuillu sammisaqartinneqarnerinut atorsinnaasaannik. Aningaasanit atugassiissutigineqartunit qanoq amerlatigisut najukkani ataatsimiititaliat ataasiakkaat suliassaqarfinnut taaneqartunut sisamaasunut immikkut atuinissamut periarfissinneqassanersut, tassalu suliassaqarfiit immikkut tamarmik qanoq annertutigisumik atugassinneqarnissaannik annertussusiliilluni kommunalbestyrelsip aalajangersinnaavaa, kisiannili aamma aningaasat atugassiissutaasut ataatsimoortumik najukkani ataatsimiititalianut ataasiakkaanut, suliassaqarfinnut sisamaasunut nammineerluni atugassatut aningaasaliissutiginiarlugit aalajangiisinhaalluni. Aalajangersagaq najukkani ataatsimiititaliat piginnaatitaaffisa nukitorsarneqarnissaattut isigineqassaaq.

Kommunip nunaqarfinnut aqutsisunut najukkanilu ataatsimiititalianut aningaasat atugassatut immikkoortitsineratigut kommunalbestyrelsit susassaqarfinnut inatsit naapertorlugu pisussaaffii atuutiinnassapput.

Imm. 5-mut

Najukkani ataatsimiititaliat kommunalbestyrelsimit, aningaasaqarmermut ataatsimiititaliamut ataatsimiititalianullu ataavartunut piareersaasutut aamma/imaluunniit siunnersuisartutut inisisimasinnaanerat siunnersuutigineqarpoq.

Imm. 6-mut

Siunnersuummi imm. 2-mut uiggiullugu siunnersuutigineqarpoq kommunalbestyrelsi najukkani ataatsimiititaliat sulinerannut malittarisassanik aalajangersaassasoq, taamatuttaaq ataatsimiinnernit allaganngorlugu imaqarniliortussaatitaanerannut, naatsorsuuteqartussaatitaanerannut missingersuusiornissamullu.

Imm. 7-mut

Siunnersuutigineqarpoq kommunalbestyrelsi § 56, imm. 6 naapertorlugu najukkani ataatsimiititalianut ilaasortaasut akissarsiaqartitsisinhaassasoq.

Imm. 8-mut

Siunnersuutigineqarpoq kommunalbestyrelse apeqqutip suliarineqarnerani immikkut ilisimasalinnik najukkamulluuniit ilisimasalinnik peqataatitsisoqarnissaanik pisariaqartitsisoqartoq naliliisoqarpat immikkut ataatsimiititalianik suliat aalajangersimasut suliarineqarnissaannut pilersitsisinnassaasoq.

Imm. 9-mut

Siunnersuutigineqarpoq najukkani ataatsimiititaliat piffissamut killilikkamut pilersinneqarsinnaassasut. Taamaalilluni communalbestyrelsip nammineq aalajangissavaa najukkami ataatsimiititaliap piffissaq atuuffissaq qanoq sivisutigissanersoq. Aalajangersakkap kinguneraa assersuutigalugu communalbestyrelse aalajangersinnaasoq najukkami ataatsimiititaliaq ukiumut ataasiarluni pilerseqqinnejartassasoq.

Imm. 10-mut

Aalajangersagaq nutaajuvoq. Siunnersuutigineqarpoq communalbestyrelse najukkami ataatsimiititaliamik pilersitsissanngitsoq qinigassanngortittoqarsimassanngippat.

Imm. 11-mut

Kommunalbestyrelsip najukkani ataatsimiititaliat ingerlatsinerannik nakkutilliisussaanera aalajangersakkami erseqqissarneqarpoq.

Nakkutilliinermi oqartussaasoq najukkani ataatsimiititalianik toqqaannartumik nakkutilliinissamut periarfissaqartussaanngilaq, kisiannili nakkutilliineq communalbestyrelsi aqqutigalugu ingerlattussaallugu. Naalakkersuisut suliaq ataaseq, najukkami ataatsimiititaliami suliarineqartoq pillugu paasissutissinneqarnissaminnik kissaateqarpata, Naalakkersuisut tamatigut communalbestyrelse iserfissarissavaat. Kommunalbestyrelsip piginnaatitaaneq najukkami ataatsimiititaliamut suliakkiissutigissavaa, kisiannili taamaaliornikkut aningaasaliissutit suliakkiinerlu naapertorlugit ingerlatsisoqarnissaanut akisussaaffini iperarsinnaanngilaa.

§ 33-mut

Aalajangersagaq § 32-imik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq.

Siunnersuummi communalbestyrelsi periarfissinneqarpoq aqutsinissaq kissaatigineqartoq aaqqissutissallugu inatsisip § 24-at aamma § 25-at killiliisoralugit, piumasaqaatini aningaasaqarnermut ataatsimiititaliaq aalajangersimasunik suliassaqarnermi kommunip pisariaqartitaanik aqutseriaatsimik aaqqissuussisinnasoq. Aqutseriaaseq aqutsinermik ileqqoreqqusani aalajangersarneqassaaq, tak. inatsimmi § 1, imm. 2.

§ 34-imut

Aalajangersagaq § 33-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq kommunalbestyrelsip qinigaaffiup iluani ataatsimiititaliaqarnerup iluseqartinneqarnera, ataatsimiititaliani ilaasortat amerlassusiat imaluunniit ataatsimiititaliat suliassaat allanngortissinnaagai suliat ingerlanneqartarneranni malittarisassani § 1, imm. 2 aqutsinermut ileqqoreqqusap allanngortinneqartarnerinut maleruagassat tunngavigalugit.

Imm. 2-mut

Kommunimi ataatsimiititaliaqarnerup iluseqartinneqarnerata allanngortinneqarnera pissaaq § 1, imm. 2 naapertorlugu taamaalillunilu marloriarlugu suliarineqassalluni.

Imm. 3-mut

Ataatsimiititaliat iluseqartinneqarneranni allannguutigitinneqartut aningaasaqarnermut ataatsimiititaliap aammalu ataatsimiititaliat ataavartut aaqqissugaanerannut annertuumik sunniuteqarput taamaasilluni ataatsimiititaliat amerlassusaat allanngortittariaqarluni kommunalbestyrelsimi ilaasortap ataasiinnaap kissaatigippagu. Nutaamik inissitsiteqqinnermi periarfissaqassaaq taaseqatigiikkumallutik suleqatigiinnik nutaanik nalunaartoqarnissaanut.

§ 35-mut

Aalajangersagaq allassimaneratigut allanngortitsivigalugu § 34-mik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq.

Aalajangersakkami aalajangerneqarpoq kommunimi ataatsimiititalianut allanullu ilaasortaaneq pinngitsoorani qinikkatut sullissinissamut pisussaaffiusoq.

§ 36-mut

Aalajangersagaq § 35-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkut aalajangerneqarpoq ataatsimiititaliamut ilaasortanik marlunnik amerlanerusunilluunniit qinersisoqartillugu ilaasortaatitaqartut qanoq amerlatigisunik ilaasortaqassusiat naapertorlugu kisitsisit agguernerat naapertorlugu naatsorsueriaaseq atorlugu qinersineq ingerlanneqassaaq ataatsimiititaliani tamani immikkut atorneqartassasoq. Tamanna aamma isumalioqatigiissitanut, siulersuisunut, il.il. atuuppoq.

Imm. 2-mut

Aalajangersakkut aalajangerneqarpoq ataatsimiititaliani borgmesterip ilaasortaaffigingitsuugassarinngisaani amerlassutsit eqqarsaatigalugit qinigaaffimmi suleqatigisaminut borgmesteri ilaatinneqartassasoq. Ilaasortaqassuseq naapertorlugu qinersinermi erserpat borgmesterip qinigaaffimmi suleqataasa pingasuusariaqarnerat taava ilaasortassanik marlunnik qinersisoqartassaaq. Eqimattami pingasunik ilaasortaqassappat, marlunnik ilaasortanik allanik ataatsimiititaliamut qinersisoqassaaq. Tamanna aamma isumalioqatigiissitanut, siulersuisunut, il.il. atuuppoq.

Imm. 3-mut

Aalajangersakkami iluarsiiffigineqarput kommunalbestyrelsimi ilaasortamik aamma ilaasortaanngitsumik ataatsimiititalianut assigisaannullu qinersisarnermi pissutsit.

Kisitsisit agguernerat naapertorlugu qinersinermi inunnik arlalinnik qinersinermi tunngaviusumik naatsorsuutigineqassaaq, qinigaasussat tamarmik naligiisinneqarsimassasut ima, qinigassakkuutaat tamarmik inissamminnik inuttaliiniarnerminnut pisinnaatitaaffigisaminik assigiimmik kiffaanngissuseqassasut. Tamatuma malitsigisaanik suleqatigiaat inissanik imaluunniit inissamik kingullermik inissittoqartussaattillugu qinersisinnaanermut periarfissaat killeqarnerulersinnaapput, ilaasortat aalajangersimasut nungussimasinnaammata. Aalajangersagaq assersuutigalugu ataatsimiititalianut § 31, imm. 3 naapertorlugu pilersinneqartut katiterneqarnissaannut attuumassuteqarpoq.

Imm. 4-mut

Aalajangersakkami ingerlateqqinneqarpoq ilaasortaatitaqartut qanoq amerlatigisunik ilaasortaqassuasiat naapertorlugu kisitsisit agguernerat naapertorlugu naatsorsueriaaseq atorlugu qinersisarnermi periuseq d'Hondts-ip periusaanik taaneqartartoq. Aalajangersagaq malittarisassamik ilassuserneqarpoq, kattusseqatigiit inissamik inuttaqanngitsumik inuttaleerusunngippata taava inissaq kattusseqatigiinnit allanit d'Hondts-ip perusaa malillugu pissarsiarineqartassaaq.

§ 37-mut

Aalajangersagaq § 36-mik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq qinigassanngortittumik ataatsimik qinersinermi amerlanerussuteqartoqassasoq. Qinigassanngortittut ilaannaalluunniit siullermeeluni taasinermi amerlanerussuteqartunit taaneqanngippat, taaseqqittoqassaaq. Taasinikkut tamatumuuna aamma

qinigassangortittooq ataaseq amerlanerussuteqavissumik taaneqanngippat taaseqqittooqassaaq qinigassangortittut marluk amerlanerpaanik taaneqarsimasut akornanni. Taasinerlu taanna naligiiffiulluni inerneqarpat makitsisoqartassaaq.

Imm. 2-mut

Aalajangersakkami aalajangerneqarpoq kommunimi sulilerumallutik qinnuteqartut arlallit akornanni ataatsimiititaliani toqqaanissami imaluunniit communalbestyrelsimi taasinissami immikkut periaaseqarnissaq.

Atorfinitssinissamut atatillugu oqaluuserinninnermi tunngavissatut qinnuteqartut pillugit paasissutissat tamarmik saqqummiunneqassapput, toqqaanissamilu taakku arlaat kinaluunniit siunnersutigineqarsinnaavoq. Taamaattumik toqqaanissaq, tamanna isumaqatigiingissutigineqanngippat, qinnuteqartut ilaanaanut, soorlu ataatsimiititaliamit imaluunniit allaffimmit inassutigineqarsimasunut, tunngatinneqarsinnaanngilaq.

§ 38-mut

Aalajangersagaq § 37-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkakut pissutsit sillimaffigineqarput, ataatsimiititaliami ilaasortaq qinigaaffiup iluani ilaasortaajunnaarpas taamaalillunilu ilaasortamik allamik taarserneqartussangorluni.

Aalajangersakkami aalajangerneqarpoq ilaasortaq suleqatigiinneersoq tunuarpat suleqatigiit taakku ilaasortamik nutaamik qinersisussat.

Imm. 2-mut

Kommunalbestyrelsip ataatsimiittarnerinit ataatsimiititaliat amerlanerusunik ataatsimiittarmata, ataatsimiititalianili ilaasortat tamatigorluinnangajak ikittuinnaat peqataasarnerisa kingunerannik tamakkiisumik peqataasoqartarnissaa pisariaqartinneqartarmat, tak. § 26. imm. 2-mut nassuaatit, sinniisussap killilersorneqanngitsumik ataatsimiititaliamut ataatsimiigiaqquneqarsinnaanera ilanngunneqarpoq.

Taamaakkaluartorli communalbestyrelsimat ilaasortap taamatut sulinini ingerlatiinnartillugu piffissap ilaani ataatsimiititaliamit imminut tunuartikkallarsinnaanngilaq, aamma tak. § 15, imm. 2-mut nassuaatit, tamatumani aningaasaqarnermut ataatsimiititaliamut aammalu ataatsimiititalianut ataavartunut qinigaanerit pisussaaffiummata.

Qinigaaffimmi suleqatigiit aalajangigassaraat sinniisussamik ataatsimiigiaqqusinermut piumasaqaatit naammassineqarsimanersut.

Qinigaaffimmili suleqatigiit pisussaanngillat ataatsimiititaliami inissaq inuttaqanngikkallartoq ilaasortap najuutinngitsup sinniisussaanut tunniutissallugu.

Aalajangersagaq taamaallaat atorneqassaaq ilaasortanut ataatsimiititaliami ilaasortassatut qinigaasimasunut, atorneqassananili pinngitsoorani ilaasortaasusanut, soorlu borgmesteri pinngitsoorani aningaasaqarnermut ataatsimiititaliamut ilaasortaasussaasoq. Taamaattumik borgmesterip najuussinnaanngikkallarnerani aningaasaqarnermut ataatsimiititaliamut ilaasortamik nutaamik qinersisoqarsinnaanngilaq, ulluinnarnili allaffiup aqunneqarnera, tak. siunnersuutip § 22, imm. 2, borgmesterip tullianit ingerlanneqalersimappat borgmesterip tullia aningaasaqarnermut ataatsimiititaliamut aamma siulittaasunngussaaq.

Borgmesterip tullia aningaasaqarnermut ataatsimiititaliamut ilaasortaareerpat borgmesterillu suliaanik suliaqalerpat ataatsimiititaliami inissaq ataaseq inuttaarutissaaq.

§ 39-mut

Aalajangersagaq § 38-mik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami periuseq maannamut atuuttoq inatsimmi aalajangersarneqarpoq ataatsimiititaliani oqaluuserineqarnerini suliassamut aalajangersimasumut attuumassuteqarneq pissutigalugu aalajangeeqataasinnaannginnermut tunngatillugu suliassap suliarineqartarneranut tunngasoq. Aalajangersagaq ataatsimiititalianut tamanut atuuppoq.

Malittarisassat kommunalbestyrelsinut atuuttut, tak. § 14-imut nassuaatit, assigalugit suliassamut attuumassuteqarneq pissutigalugu aalajangeeqataasinnaajunnaarsitaanissaq ilumut pissutissaqarnersoq pillugu aalajangiiniarnerit pisortat ingerlatsineranni suliad suliarineqartarnerat pillugu Inatsisartut inatsisaanni malittarisassat naapertorlugit pisassapput.

Imm. 2-mut

Kommunalbestyrelsimi ilaasortat borgmesterimut nalunaartussaatitaanerat pillugu § 14, imm. 2-anni aalajangersakkanut suliassamut attuumassuteqarneq pissutigalugu aalajangeeqataasinnaajunnaarsitsinissaq nalornisoorfiuillugu aalajangersakkamut una assinguvoq.

Imm. 3-mut

Aalajangersakkut qularnaarniarneqarpoq ilaasortap ataatsip suliassamut attuumassuteqarneq pissutigalugu aalajangeeqataasinnajunnaarsinnejnareratigut kommunalbestyrelsimi pissaanerup oqimaaqatigiinnerata nikisinneqartannginnissaa.

Kommunalbestyrelsimi ikinnerussuteqartut amerlanertigut ataatsimiititaliani ataasiinnarmik ilaasortaataqartarnerat eqqarsaatigalugu aalajangersarneqarpoq § 14, imm. 3-mi aamma 4 ataatsimiititaliani sulinermi atuutissaaq ikinnerussuteqartunut illersuutitut.

Imm. 4-mut

Imm. 3-mut nassuaatit innersuussutigineqarput.

Kommunalbestyrelsip ataatsimiititaliai nalinginnaasumik ilaasortakitsuusarmata malittarisassat § 14, imm. 4-miittut, ilaasortap ataatsip sulihamut attuumassuteqarneq pissutigalugu aalajangeeqataasinnajunnaarsitaanini pissutigalugu najuutinngikkaluartup aammalu sinniisussap ataatsimiititaliap suliassaminik ingerlatsinissaanut aggersarneqarsimannngikkaluartup, suliap naammassineqarnissaanik ilaasortat 2/3-iisa piumasaqaateqarsinnaanerannut tunngasut naleqquuttuusorineqarpoq nuunneqarnissaat.

§ 40-mut

Aalajangersagaq § 39-mik atuuttumik aaqqissuussaanikkut allannguuteqartitsilluni ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkut aalajangerneqarpoq ataatsimiititaliani ilaasortat pisortat ingerlatsivianni ataatsimiititaliap akisussaaffigisaani sullissinertik sapinngisamik akissarsiaqatigissanngikkaat. Taamaattorli periarfissiisoqarpoq ataatsimiititaliamti ilaasortaq suliassamik tigusisinnaasoq, suliassaq tamanut ammasumik suliarinnittussarsiorneqareersimappat. Aammattaaq ilaasortaq qaqtiguinnaq pisartunik akilerneqarluni sulisarsinnaavoq pisortatigut ingerlatat ilaani ataatsimiititaliamit akisussaaffigineqartumi pissutsinik immikkut ittunik pisoqartillugu. Tamanna atuutinneqarsinnaavoq ilaasortaq kisimiilluni suliassap naammassineqarnissaanut pisinnaasat pisariaqartut ilaasortap kisimi naammassisinnaappagit.

Imm. 2-mut

Aalajangersagaq ilanngunneqarpoq periaatsit tulluanngitsutut assersuutissat arlallit tunngavigalugit, tassa inuit appasinnerusumi atorfekartut imaluunniit nunaqarfinni atorfekartut nalinginnaasumik kommunini qinikkatut pisortanut allaffimmiluunniit pisortanut toqqaannartumik qanittumilluunniit attaveqanngitsut kommunit ataatsimiititaliaani ataavartuni ilaasortaasinnasarsimannngimmata. Taamaattumik ilanngussisoqarpoq qanoq ungasitsigisumiinneq killiliiffigineqartalissasoq, pingaartumik siunertaralugu inuit sulianut attuumassuteqarnertik pissutigalugu ataatsimiititaliani

ilaasortaasinnaajunnaarsinneqarsinnaasut taamalu suliardinneqataasinnaanngitsut, imaluunniit ataatsimiititaliami ilaasortaanerisa nassatarissappassuk ilaasortap pineqartup nammineq suliffigisaminut nakkutilliisooqataalernissaa.

Pingaartumik eqqarsarnartoqarpoq sulisup allaffissornikkut suliassat pingaaruteqarnerusut suliarisarsimassappagit. Aalajangiisuusutut sianiginiagassat sulisup ingerlatsiveqarfimmuit ataatsimiititaliamut ataavartumut akisussaasoq marloqiusamik suliaqalersinnaaneranik, taamaalillunilu ataatsimiititaliamut ilaasortatut sulianut nammineq inassutigisaminut isummertarnissaanik ajornarsisitsipput.

Nr. 1-imi aamma 2-mi pineqarput ataatsimiititaliat ataavartut suliassaqarfiini pisortat aamma sulisut atorfeqarnermi periaatsit malillugit, suliassat allattorsimaffiat imaluunniit oqartussaaffiit agguataarneqarnerat malillugit suliallit immikkoortortaqarfinni pisortanut paarlattaasartussat. Immikkoortortaqarfinni pisortatut assersuutigineqarsinnaapput isumaginninnermi pisortat, atuarfiit pisortaat aamma kommuneingeniørit.

Nr. 3-mi inuit pineqartut naliliiffigineqassapput taakku suliaasa imarisaat tunngavigalugit. Kommunalbestyrelsit ataasiakkaat namminneq ingerlatsinertik qanoq aaqqissuutissallugu annertuunik periarfissaqartitaapput, tamakkununnga ilangullugit sulisuni sunik suliassaqassanersut atorfimminnilu qanoq taaguuteqassanersut, killiliiniarnermili atorfiit qanoq taaguuteqarneri kisimik pingaartinneqartussaangillat. Pingaartinneqartariaqarput aaqqissugaanermi oqartussaaffiillu agguataarneqarneranni atorfiit imarisaasa nalunaarsorneqarneri il.il. tunngavigalugit pineqartut qanoq pisinnaatitaaffeqartigneri aalajangiutissallugit. Pingaaruteqarluinnarpoq atorfilik nalinginnaasumik pisortatut akisussaaffeqarnersoq namminerlu sulisunik siulersugaqarnersoq. Atorfiup aningaasarsiaqarnerup tungaatigut inissismanera aamma tikkuusooqataasinnaavoq.

Sulisunut nr. 3-mi aalajangersakkat malillugit ataatsimiititaliani ataavartuni ilaasortaasinnaanngitsunut assersuutitut taaneqarsinnaapput allattoqarfinni pisortat, immikkoortortaqarfinni pisortat, allaffinni pisortat allallu immikkut sulisoqarnermut akisussaaffillit. Aamma sullissivinni pisortat allallu sullissivinni allaffissornikkut pisortatut suliaqartitat ataatsimiititaliani ataavartuni sullissivimmut akisussaasuni ilaasortaasinnaanngillat.

Imm. 3-mut

Nr. 1-mi pineqarput sulisut tamarmik aningaasaqarnermut ataatsimiititaliap suliassaataanik, aningaasaqarnermut immikkoortoqarfiup, akissarsianut sulisoqarnermullu immikkoortoqarfiup suliassaataanik suliallit aningaasaqarnermut ataatsimiititaliamut ilaasortaasinnaatitaasussaannginneri.

Nr. 2-mi pineqarput pingaartumik sulisut ingerlatsiviup ilaani, nr. 1-imut ilaanngikkaluartuni, aningaasaqarnermut ataatsimiititaliamit akisussaaffigineqartuniittut, assersuutigalugu inuit

pilersaarusrornermik suliallit aamma immikkoortoqarfinni aningasaqarnermut ataatsimiititaliamit toqqaannartumik akisussaaffigineqanngikkaluarlutik tassunga attuumassuteqartuni, assersuutigalugu akileraaruserivimmi inunnillu allattuiffinni sulisut.

Nr. 3-mi immikkoortoqarfinni pisortat pineqartut, imm. 2-mi nr. 1-imik pisortat assignagittimikkoortoqarfimmi pisortamut paarlattaaginnartut aningasaqarnermut ataatsimiititaliamut ilaasortaasinnaanerat akornutissaqartinnejnngilaq.

Imm. 4-mut

Aalajangersagaq inatsimmi atuuttumi § 39, imm. 4-mik ingerlatitseqqinneruvoq, tamatumuuna inatsisitigut aalajangiunneqarluni apparisaq pissutigalugu aalajangeeqataasinjaunnaarneq atortuusassasoq tamatuma pisortat ingerlatsineranni suliat suliarineqartarnerat pillugu inatsimmi aalajangersarneqarnerata kinguneranik. Aappariinnerni katissimanertut assersunneqarsinnaasuni paasineqassaaq aapparinneq sivisunerusumik ingerlanneqarsimasoq imaluunniit aappariit najugaqatigiippata.

§ 41-imut

Aalajangersagaq § 51-imik atuuttumik ingerlatitseqqinneruvoq, allanngortitsinissarlu eqqarsaatigineqanngilaq.

Imm. 1-imut

Nunaqarfinni aqutsisunut ataatsimoorussanut aamma nunaqarfinnut aqutsisinut qinersisarnermi kommuninut qinersisisarnermi inatsimmi maleruagassanut aalajangersagaq ilassutaavoq.

Imm. 2-mut

Aalajangersagaq imm. 2-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Tulluartuutinneqanngilaq nunaqarfiiit aqutsisuisa siulittaasuannik qinersinermi sukumiisunik maleruagassiukkamik periaaseqartoqarnissaa, tamatumani qinersinermi nunaqarfiiit aqutsisuisa ilaasortaasa ikinneri pissutigalugit borgmesterimut qinersinermiit persuarsiorpalunnginnerusumik ingerlanneqarsinnaassamat.

Nunaqarfiiit aqutsisuinut kikkut qinerneqarsinnaanerininik aalajangersakkat kommuninut qinersinermi inatsisikkut aalajangersarneqarput.

Imm. 3-mut

Aalajangersagaq oqaasertaasigut allanngortillugu imm. 3-mik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq. Taamaattumik nunaqarfinni aqutsisut

kommunalbestyrelsimit pisinnaatitsinermut atatillugu sulipput. Tamatumia kingunerisaanik
kommunalbestyrelsip allaffissornikkut nukissat nunaqarfiiut aqutsisuinut qulakkeertussaavai,
kommunalbestyrelsip nunaqarfinni aqutsisunik nakkutilliisussaatitaanera pissutigalugu.

Kommunalbestyrelsi nunaqarfinni aqutsisunut aalajangiisinnaanermik pisinnaatitsisummiq
tunniussaqartoq allaffissornikkut suliassanik naammassinnissinnaanermik
qulakkeerinnissimannngitsoq inatsimmi aalajangersakkat naapertorlugit akisussaatinneqarsinnaavoq.

§ 42-mut

Aalajangersagaq § 52-imik atuuttumik ingerlatitseqqinneruvoq, allanngortitsisoqarnissaanillu
eqqarsaateqartoqanngilaq.

Imm. 1-imut

Aalajangersagaq suleriaasissamut minnerpaanik piumasaqaatinik arlalinnik
saneqqunneqarsinnaanngitsunik atuutilersitaqarpoq.

Kommunalbestyrelsimi sulinertut nunaqarfinni aqutsisut atuunnerat pillugu periaatsinik
aalajangersakkanik sukumiisunik atuutitsisoqarnissaa tulluartuusorinanngilaq. Aalajangersagaq
aamma periarfissiivoq nunaqarfimmit nunaqarfimmut pissutsit assigiinngiaartorujussuusut
kommunalbestyrelsit pitsaanerusumik sillimaffigisinnaalernissaannut. Nunaqarfinni aqutsisut
suleriaasissaasa aalajangersarneqarnerat kommunalbestyrelsimi sularineqassaaq,
takussutissaassallunilu nunaqarfiiut annertunerusumik aalajangiisinnaanermik
pisinnaatinneqarnerinik, taamaattumillu allaffissornikkut suleriaatsinik erseqqissunik nunaqarfinni
aqutsisut sulinerannut aalajangersagaqarnissaq pingaaruteqarpoq, aalajangersakkanut
kommunalbestyrelsip nammineerluni periaasiinut ataqtigiissaarneqarsimasunik.

Kommunalbestyrelsip nunaqarfinni aqutsisut suleriaasissaannik aalajangersakkanik
aalajangersaasinnaanera nunaqarfinni aqutsisunik tusarniaasoqareerneratigut pisassasoq
pisariaqarpoq.

Imm. 2-mut

Aalajangersagaq nalinginnaasumik suliamut attuumassuteqarneq pissutigalugu
aalajangeeqataasinnaanginnermut aalajangersagaavoq, taassumalu nunaqarfinni aqutsisut
annertunerusumik pisinnaatinneqarnissaannik ilimasuuteqarnerup kingunerisaanik
ilanngunneqarnissaa siunnersuutigineqarpoq.

Imm. 3-mut

Aalajangersagaq imaqarpoq kommunalbestyrelsimi ataatsimiititaliani ikinnerussuteqartut pisinnaatitaaffii pillugit nunaqarfinni aqutsisuni ilaasortanut aamma atuutinnejarnissaanik qulakkeerinnimmat, tak. § 30.

Aalajangersagaq taamaallaat atuuppoq suliassani nunaqarfinni aqutsisunut aalajangiisinnaanermik oqartussaaffilerneqarsimasuni. Suliassani nunaqarfinni aqutsisut siunnersuummi § 43 nassataanik, tak. ataanniittooq, kommunalbestyrelsimit innersuussummik imaluunniit tassunga oqaaseqaateqartoqartillugu, nunaqarfinni aqutsisut ikinnerussuteqartut ikinnerussuteqarluni oqaaseqaammik imaqarniliamut ilangussisinnaatitaaneq atorsinnaavaat.

§ 43-mut

Aalajangersagaq § 53-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Aalajangersakkut aalajangersarneqarpoq nunaqarfinni aqutsisut nunaqarfimmi pissutsinut attuumassuteqartuni kommunalbestyrelsimit innersuussutinik nassitsisinnaatitaaffeqarnerinik. Aammattaaq aalajangersakkap kommunalbestyrelsi pisussaaffilerpaa kommunalbestyrelsimi suliassani nunaqarfinni pissutsinut attuumassuteqartuni suliaqarnerni nunaqarfinni aqutsisut tusarniaavigineqartarnissaannik.

§ 44-mut

Aalajangersakkut nalorninaallisinneqarpoq kommunalbestyrelsi nunaqarfinni aqutsisunut aningaasanik atugassanngortitsisassasoq. Tamaku saniatigut aalajangersagaq § 54-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkut aalajangerneqarpoq nunaqarfinni aqutsisut aatsaat aningaasartuuteqarsinnaasut kommunalbestyrelsip aningaasaliissuteqareerneratigut.

Aalajangersagaq kommunalbestyrelsip aningaasaliissuteqarsinnaatitaaneranut atatillugu isigineqassaaq.

Taamaalilluni kommunalbestyrelsit nunaqarfinni aqutsisunut aningaasaliisinnaanngillat pisinnaatitsissutip imm. 2 naapertorlugu tunniunneqarsimasut avataasigut.

Imm. 2-mut

Aalajangersakkami siullertut nalunaarpaa, kommunip missingersuusiaatigut nunaqarfinni aqutsisut aningaasanik atorsinnaasaannik tunineqassasut. Aalajangersakkap aappaattut nalunaarpaa aningaasaliissutaasunik nunaqarfinni aqutsisut atuisinnaatitaanerat.

Aalajangersakkamili aalajangerneqanngilaq nunaqarfinni aqutsisunut allaffissornikkut pisinnaassuseq qanoq annertutigisoq pisinnaatitsissutigineqarsinnaanersoq, tamanna aalajangerneqassamat § 41, imm. 3 aallaavigalugu. Illuatigulli atuisinnaatitaaneq pisariaqartitsivoq, soorlu imm. 1 naapertorlugu ingerlaannartumik aalajangiisinjaanermik pisinnaatitsinerup kingunerissagaa atuisinnaatitsineq pissasoq aningaasaliissutaasutut killigititaasut iluanni.

Taamaalluni massakkutulli nunaqarfuit aqutsisunut aalajangiisinjaatitaanermik tunniussisoqarsinnaavoq aningaasaqarnikkut akisussaaffeqarnermik malitseqanngikkaluartumik. Nunaqarfinni aqutsisut aningaasaliissutit atorneqarsinnaatitaasut nungullugit atorsimalerpatigit, aalajangiisinjaassuseq aningaasaliissutaasunut taakkununnga attuumassuteqartoq taamaalluni aamma atortussajunnaassaaq.

Kommunalbestyrelsili, soorlu nalunaarneqartutut iliuuseqarsinnaassusermik annertunerusumik imm. 2 naapertorlugu aningaasatigut pisinnaatitsineq qaangerlugu tunniussinnaassavaa imaluunniit aningaasanik atorneqarsinnaasunik amerlanerusunik ilassutitut aningaasaliissuteqarsinnaalluni. Tamannali qaqutiguinnaq pisinnaasariaqarpoq, siunertaammat aningaasanik atorneqarsinnaasunik illikartitsinerup nunaqarfinnut allaffissornikkut oqilisaassutaanissaa sinaakkuteqarluni aqutsinerup atulerneratigut.

Sinaakkuteqarluni aqutseriaatsimut akerliussaaq aqutsinikkut ingerlanerliorneq pissutigalugu aalajangiisinjaassusermik tunniussinikkut ingerlanerliorneq akissarsissutaassappat. Aningaasat atorneqarsinnaatitaasut ingerlatsinerliorneq pissutigalugu nungunneqarpata tamatigut kingunerisariaqarpaa ilassutissanik aningaasaliissuteqaqqittoqannginnera aammalu ilassutaasumik aalajangiisinjaassusermik tunniussisoqaqqinnginnera.

Suliassaqarfimmut inatsisit naapertorlugit sinaakkutissatut aningaasaliissutinik atuisoqartassaaq. Kultureqarnermut innuttaasunullu qaammarsaanermut, najukkani inuussutissarsiutitigut suliniutinut kiisalu isumaginninnermut attuumassuteqartunut aningaasanik atugassiinermi tamanna pingaaruteqarpoq.

Kommunalbestyrelsip nunaqarfinnut aqutsisunut nunaqarfinni aqutsisunut aningaasat atugassatut immikkoortitsineratigut kommunalbestyrelsit susassaqarfinnut inatsit naapertorlugu pisussaaffii atuutiinnassapput.

Imm. 3-mut

Aalajangersakkap siunertaraa nunaqarfinni aqutsisut suliaannik kommunalbestyrelsip ilisimasqaqarnissaa qulakkiissallugu.

Nunaqarfinni aqutsisut suleriaasissaanni ilassutaasunik ilanngussisoqarsinnaassaaq upfernarsaatit misissorneqartarneranni iliuusissanik annertunerusunik, aamma imm. 2 naapertorlugu taaneqartuni nunaqarfik aningaasatigut piginnaatinneqarsimangikkaluartoq.

§ 45-imut

Aalajangersagaq § 55-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap naqissuserpaa nunaqarfimmi aqutsisup siulittaasuut tassaasoq nunaqarfimmi aqutsisoq ingerlatsinerannut akisussaasuusoq. Ilaatigut inatsisikkut tassuuna innersuusutigineqarput Inatsisartut inatsisaat manna aamma suliat suliarineqartarnerat pillugu Inatsisartut inatsisaat aamma pisortat ingerlatsineranni tamanut saqqummiussisarneq pillugu inatsisartut inatsisaat.

Aalajangersakkap aamma kingunerissavaa nunaqarfinni aqutsisut siulittaasuata kommunalbestyrelsimit attaveqaatitut atuuttuaannartussaanera.

Imm. 2-mut

Aalajangersagaq erseqqissarniarpaa kommunalbestyrelsi nunaqarfinni aqutsisunik nakkutilliisuusussaasoq.

Nakkutilliisuutitatut oqartussat nunaqarfinni aqutsisunik toqqaannartumik nakkutilliinissaminnik periarfissaqassanngillat kisiannili nakkutilliineq kommunalbestyrelsi aqqutigalugu ingerlattussaallugu. Naalakkersuisut nunaqarfinni aqutsisut suliaannik paasisaqarusullutik kissaaateqarpata tamanna kommunalbestyrelsi aqqutigalugu pisassaaq. Kommunalbestyrelsi nunaqarfinni aqutsisunut pisinnaatitsisuovoq, taamaattumillu taamaaliornikkut suliat, aningaasaliissut aamma pisinnaatitsissut naapertorlugit ingerlanneqarnerannik akisussaaffimmik tigusiumanngissinnaanngillat.

§ 46-imut

Aalajangersagaq § 56-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami ersarissarneqarpoq nunaqarfinni aqutsisut aningaasarsiaqartinneqarnerat kommunalbestyrelsip akisussaaffigigaa Naalakkersuisut sinaakkutissatut aalajangersagaat tunngavigalugit.

Imm. 2-mut

Ilassutitut akissarsiat kommunalbestyrelsimit akuerineqartut ataasiakkaat nalilersuiffigereernerisigut tunniunneqarsinnaapput. Naliliinerni siulittaasup akisussaaffia aamma suliaqarnikkut nammatai immikkut isiginiarneqartassapput.

Imm. 3-mut

Naartunermi, erninermi meeravissiartaarnermilu inatsit tamatumunnga tunngasoq naapertorlugu nunaqarfinni aqutsisut sulinngiffeqarnissamut pisinnaatitaapput akissarsiaminnik annaasaqaratik.

§ 47-imut

Aalajangersagaq § 57-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Naalakkersuisut kommunit ingerlatsinerinik nakkutilliisuussapput. Naalakkersuisut kommuninut aqutsinermut ileqqoreqqusat tigusartussaavaat, tak § 1, imm. 4, kommunalbestyrelsip ataatsimiinnerinik piffissamik sumiiffimmillu ilisimatinneqartartussallutik, tak. § 8, imm. 1 aamma 3, aamma kommunalbestyrelsip matoqqasumik sulianik suliaqarnerini sinniisoqarsinnaatitaallutik, tak. § 9, imm. 4. Kiisalu Naalakkersuisut kommunalbestyrelsip ataatsiminnerinit imaqarnilianik tigusaqartartussaapput, tak. § 16, imm. 4.

Imm. 2-mut

Aalajangersakkami aalajangerneqarpoq immikkut naammagittaalliornissamut periarfissaqartoqartillugu imaluunniit suliani aalajangersimasuni nakkutilliinermik oqartussaqrfeqartoqartillugu Naalakkersuisut pineqartuni nakkutilliisuusinnaassangitsut. Assersuutigalugu taaneqarsinnaavoq inunnik isumaginninnermi inatsit naapertorlugu Isumaginninnermi sulianut Naammagittaalliuteqartarfimmi aalajangiiffiusimasumi naammagittaalliutigineqarsimasut taamaalilluni nakkutilliisuutitatut oqartussaasunut anngunneqarsinnaasarnatik.

Imm. 3-mut

Aalajangersakkami aalajangerneqarpoq Naalakkersuisut nakkutilliisussaatitaanerata atorfinitssinermi malittarisassat pineqartillugit atuutinnginnera erseqqissarniarlugu. Apeqqutit atorfinitssinermi malittarisassanut tunngasut pineqartillugit tamakku atorfinitssisarnernik isumaginnittunut innersunneqartassapput.

§ 48-mut

Aalajangersagaq § 58-imik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq Naalakkersuisut nakkutilliinerannut atatillugu atortut kommunalbestyrelsimit piumasarineqartut pinngitsoorani tunniuneqartartussaanerat erseqqissarniarlugu. Kommunalbestyrelsi aamma pisussaavoq nakkutilliisuititatut oqartussanut uppernarsaatit piumasarineqartut tamaasa tunniuttassallugit, pineqartut qanoluunniit iluseqaraluarpata.

Imm. 2-mut

Kommunit aningaasaqarnikkut ingerlatsinerini immikkut pisoqartillugu Naalakkersuisut misissuinnissaminnut perarfissaqaqqullugit aalajangersagaq, kommunalbestyrelse kukkunersiuinermi oqaaseqaatinik tunniussisussanngortinneratigut, perarfissiivoq.

Imm. 3-mut

Piffissamik aalajangiineq pisut ataasiakkaat naapertorlugit ingerlanneqartassaaq aammalu suliap qanoq paasuminartiginera nunamilu sumi inisisimanera apeqquataillugit.

Imm. 4-mut

Aalajangersakkami qulakkeerneqassaaq kommunalbestyrelsip suliaminnik paasissutissiineranut atatillugu sulinerup iluani Naalakkersuisunut suliamut tunngatillugu paasissutissat nassiunneqarsinnaasut suliamut tunngasut innarlinngikkaluarlugit taamaasillutillu piumasaqaatigineqarpata allagaatinik takunnissinnaanermik qinnuteqarnermi tunniunneqarsinnaanngorlutik.

Imm. 5-mut

Aalajangersakkap qulakkiissavaa nakkutilliinermi suliamut imaluunniit suliarineqarusuttumut tunngasuni ilisimasaqassutsip aammalu suliami paasissutissat eqqortut paasissutissiissutigineqarsinnaaqqullugit. Nakkutilliisutut oqartussat assersuutigalugu akileraartarnermi paasissutissanik oqartussanit attuumassuteqartunit piumasaqartarsinnaassapput.

§ 49-mut

Aalajangersagaq § 59-imik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Aalajangersakkami aalajangerneqarpoq Naalakkersuisut nakkutilliisussaanermik suliaqartut, taamaammat taamaallaat suliap suussusia naapertorlugu Nakkutilliisoqarfimmumt suliassanngortittariaqarnersoq Naalakkersuisut aalajangersinnaavaat.

§ 50-imut

Aalajangersagaq § 60-imik atuuttumik ingerlatitseqqiineruvoq. KANUKOKA-p aaqqissuussaanikkut allanngornerata kingunerisaanik aalajangersakkap imatut allanngortinneqarnissaa siunnersuutigineqarpoq, Nakkutilliisoqarfimmut ilaasortassanik kommunit toqqaasarnerat KANUKOKA-meersuujunnaartillugu kommuninut isumagisassangortinneqassasoq. Taamatuttaaq siunnersuutigineqarpoq erseqqissarneqassasoq inissanik inueruttoqartillugu ilaasortassanik sinniisussanillu nutaanik toqqaasoqartalissasoq. Aamma allannguisoqarnissaa siunertarineqanngilaq.

Imm. 1-imut

Aalajangersakkakut Nakkutilliisoqarfiup katitigaanera aalajangerneqarpoq, tassungalu siunertaasoq tassa isumannaassallugu, suliaminni ingerlaavartuni Inatsisartunit Naalakkersuisunillu annertunerpamik kiffaanngissuseqarmik angusaqarnissaat.
Siunnersuutikkut erseqqissarneqarpoq kommunalbestyrelsinut qinersisoqareerner tamaasa kommunit Nakkutilliisoqarfimmut ilaasortassanik marlunnik toqqaasassasut. Kommunit aalajangissavaat Nakkutilliisoqarfimmut ilaasortassanik toqqaasarnerup ataqatigiissaarneqarnissaa.

Imm. 2-mut

Nalinginnaasumik nalunaarneqarpoq ilaasortap peqataasinnaannginnerani sinniisussap aggersarsinnaaneranik periarfissaqarnera aammattaaq aalajangeeqataasinnaannginnermi sinniisussap aggersarneqarsinnaanera. Sinniisussat toqqarneqarnerini imm. 1-imi pineqartuni oqaassisqaqtitaasut aamma ilaasortanik nalinginnaasunik toqqaasuusut toqqaasuussassapput.

Imm. 3-mut

Aalajangersagaq nutaajuvoq. Siunnersuutigineqarpoq erseqqissarneqassasoq Nakkutilliisoqarfimmi inissanik inueruttoqartillugu ilaasortassanik sinniisussanillu nutaanik toqqaasoqartassasoq. Ilasortaq ataaseq tunuarpat, sinniisissaata inissaq tigussavaa, taamaalillunilu sinniisissamik nutaamik toqqaasoqassaaq.

§ 51-imut

Aalajangersagaq § 61-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkakut aalajangersarneqarpoq siulittaasup imaluunniit ilaasortat pingasut pisariaqartippassuk Nakkutilliisoqarfiup ataatsimiittassasoq.

Imm. 2-mut

Siulittaasoq ilaasortanik ataatsimiigiaqqusinissamut oqartussaassuseqarpoq, aammalu ataatsimiinnissamut piffissamik sumiinnissanillu aalajangiisinjaassuseqarluni.

Imm. 3-mut

Aalajangersakkap aalajangerpaa Nakkutilliisoqarfip ilasortaannut suliassat sorliit ataatsimiinnermi suliarineqassanersut pillugit paassisutissanik tunniussisinissamik siulittaasoq pisussaaffeqartoq.

Imm. 4-mut

Siulittaasup Nakkutilliisoqarfip ataatsimiinnerisa nalaanni aalajangikkat imaqarniliamut allanneqarnissaat, ataatsimeereernermilu ilaasortanit ataatsimeeqataasunit imaqarniliap atsiorneqarnissaat isumagissallugu pisussaaffigaattaaq.

Kinaluunniit Nakkutilliisoqarfimmi ilasortaq allatut isummaminik imaqarniliamut allatsitaqassalluni pisinnaatitaaffeqarpoq taamatuttaaq kommunalbestyrelsinut ilaasortat § 16, imm. 1-mi pisinnaatitaaffianni.

§ 52-imut

Aalajangersagaq § 62-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkami aalajangerneqarpoq Nakkutilliisoqarfik aalajangiisinjaassuseqartoq, Nakkutilliisoqarfip siulittaasua aammalu minnerpaamik ilaasortat marluk najuuppata.

Imm. 2-mut

Aalajangersakkami aalajangerneqarpoq aalajangernerit amerlanerussuteqarnikkut pisassasut. Aamma aalajangersakkakut aalajangerneqarpoq taasinerni naligiittoqartillugu siulittaasup taasinera aalajangiisuu sassasoq.

Aalajangersakkuttaaq aalajangerneqarpoq Nakkutilliisoqarfip ilasortaata kialuunniit aalajangerniarnerup ingerlanneqarnera unitsissinnaagaa suliaq Naalakkersuisunut aalajangigassanngoqquillugu piumasaqarnermigut.

Imm. 3-mut

Aalajangersakkakut erseqqissarneqarpoq kommunimi communalbestyrelsimeut ilaasortaaffigisami pissutsit Nakkutilliisoqarfimmi oqaluuserineqartillugit tamanna suliassamut Nakkutilliisoqarfimmi

suliarineqartussamut attuumassuteqarneq pissutigalugu aalajangeeqataasinnaajunnaarnermik kinguneqartassasoq.

§ 53-imut

Aalajangersagaq § 63-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap Nakkutilliisoqarfiup siulittaasua suliarineqartuni apeqquserneqarsinnaannngitsuni suliarineqartunilu kinguartinneqarsinnaannngitsuni aalajangiisinnaanngorlugu pisinnaatippa.

Aammattaaq aalajangersarneqarpoq Nakkutilliisoqarfiup siulittaasuata Nakkutilliisoqarfiup aalajangigaasa piviusunngortinnejartarnissaat akisussaaffigigaa.

Imm. 2-mut

Nakkutilliisoqarfiup siulittaasuata aalajangigai Nakkutilliisoqarfiup ataatsimiinnerani tulliuttumi saqqummiunneqartassapput.

Imm. 3-mut

Aalajangersakkami ersersinneqarpoq Nakkutilliisoqarfiup allattoqarfia Naalakkersuisunit toqqarneqassasoq, taamaattorli Naalakkersuisut allaffissorneranni ilaatinneqarnissaat pisariaqanngitsoq.

Allattoqarfiup sulinermi Naalakkersuisunut pituttorsimannginnissaa naatsorsuutigineqarpoq, taamaalillunilu Nakkutilliisoqarfiup siulittaasuanut taamaallaat attuumassuteqarluni aammalu ingerlatsinermi aalajangersakkat nalinginnaasut tunngavigalugit suliassani ataasiakkaani suliassallu aalajangersimasut ilaanni allattoqarfik sinnerluni aalajangiisinnaanngorlugu kissaaateqartarsinnaalluni. Kisiannili siulittaasup allattoqarfimmut aalajangiisussaatitaanermik suliakkiinerani allattoqarfimmi sulisup inatsisisstatut siunnersuummi § 50, imm. 1, nr. 1-imi siulittaasup piginnaaneqarnissaanut piumasaqaataasup assinganik inatsisilerituutut sulinissamut soraarummeersimanissaa piumasarineqarpoq.

§ 54-imut

Aalajangersagaq § 64-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Aalajangersakkami aalajangerneqarpoq Nakkutilliisoqarfip sulinerani aningaasartuutit Nunatta Karsianit akilerneqartassasut.

§ 55-imut,

Aalajangersagaq § 65-imik atuuttumik aaqqissuussaanikkut allannguuteqartitsiviulluni ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersakkap naqissuserpaa, kommunalbestyrelsip, aningaasaqarnermi ataatsimiititaliap imaluunniit ataatsimiititaliap ataavartup aalajangiineri inatsisinik unioqqutitsiviusut Nakkutilliisoqarfip atorunnaarsissinnaagai.

Imm. 2-mut

Aalajangersakkap Nakkutilliisoqarfik periarfissippaa kommunimi aalajangikkamik atorunnaarsitsigallarsinnaanngorlugu, tassa imm. 1 naapertorlugu atorunnaarsinneqavissaneranik aalajangerneqarnissap tungaanut. Aalajangersagaq atulersinneqarpoq Nakkutilliisoqarfik aalajangiinissaq pillugu paasiniaanissamut pisariaqartitaanik piffissalerumallugu, taamaaliornermilu aalajangererup piffissap ingerlanerani piviusunngortinnejarsimanerata kinguneranik Nakkutilliisoqarfip atorunnaarsitsisariaqalernissaa pinngitsoorumallugu.

Malittarisassakkut peqqussutigineqarportaaq aalajangigaq piviusunngortinnejarsimasoq taamaallaat atorunnaarsinneqarsinnaasoq atorunnaarsikkallarneqarsinnaasorluunniit piumasarisat erseqqinnerusumik tunngavissiissutit malillugit, tamannalu pissuteqarpoq aalajangigaq piviusunngortitaasimasoq tunngaviusumik innuttaasunit tatigineqarsinnaasariaqarmat.

§ 56-imut

Aalajangersagaq § 66-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Imm. 1-imut

Akissarsiat aalajangersimasut annertussusiisa aalajangersarneqarneranni sapinggisamik qulakkeerneqassaaq inuussutissarsiummik namminersorluni ingerlataqartunut aamma namminersorlutik inuussutissarsiortuni sulisorisanut aamma pisortani oqartussani sulisorisanut kommunimi naalakkersuinikkut ingerlatseqataarusunnerup kajungernartuunissaa tunngavigineqassasoq, soorlutaaq soorunami suliassat annertussusaat eqqarsaatigineqarumaartut. Aningaasat annertussusissaat nalunaarummi aalajangersarneqassapput.

Imm. 2-mut

Aalajangersakkami kommunalbestyrelsi periarfissinneqarpoq ataatsimiititaliat ataavartut siulittaasuinut naliliinerit ataasiakkaat tunngavigalugit akissarsianik ilassutissanik aalajangersaasinnaaneranik. Aalajangersagaq eqqarsaatigineqarpoq atorneqartassasoq siulittaasoq suliassanik nalinginnaasutut suliarineqartussanit immikkullarissuteqartunik suliaqaraangat.

Imm. 3-mut

Sinniisoq kommunalbestyrelsimit ilaasortanngortoq akissarsiaqartinneqassaaq, ilaasortap aalajangersimasup peqannginnera § 15, imm. 1-imik imaluunniit § 15, imm. 2-mik peqquteqartutut tunngavilerneqaraluarpalluunniit. Kisiannili akissarsiat sinniisimut, sivikinnerpaamik qaammatini marluinni ilaasortaasumut nuunneqartariaqanngillat. Tassalu peqannginnermut peqquatasut § 15, imm. 1-imik tunngaveqartut arlaqarpata, ilaasortap aalajangersimasup § 56, imm. 8, naartunermut, meerartaarnermut meeravissiartaarnermullu tunngasoq naapertorlugu akissarsiaqarnera ingerlaannassaaq.

Imm. 4-mut

Aalajangersagaq atuuttuuvoq kommunalbestyrelsimit ilaasortanut, ataatsimiititaliani ataavartuni sivikinnerpaamik qaammatini marlunni siulittaasuuffeqartunut.

Imm. 5-mut

Aalajangersakkami qinigaasut atuuffimmut tunngatillugu angalanermik ingerlataqartut, qanorluunniit akissarsiaqartinneqaraluarpata, najugaqarnermut angalanermilu aningaasartuutinut taartisiaqartarnermik pisinnaatitaanermik periaaseq nalinginnaasoq ingerlateqqinnejqarpoq. Aalajangersagaq pingaaruteqarpoq kommunalbestyrelsimi aamma ataatsimiititaliat ataatsimiinneranni nunaqarfimmiut peqataasarneranni. Tassungali atatillugu erseqqissarneqassaaq Naalakkersuisut naatsorsuutigimmassuk kommunini ataatsimiinnerni telekkut attaveqaatit annertunerusumik atorneqalissasut.

Imm. 6-mut

Aalajangersakkami aalajangerneqarpoq akissarsiat aalajangersimasut, akissarsianut ilassutit, ullormusiat aamma sulinermi akissarsianik annaasaqarnernut matussutissat kiisalu taakkua akilerneqartarnerannut aamma missingersuusiortarnerannut aalajangersakkani sukumiinerusunik Naalakkersuisut suliaqarsinnaasut.

Imm. 7-mut

Aalajangersakkami aalajangerneqarpoq nr. 1-imiit 5-imut akissarsiat aalajangersarneqartut tiguneqarnissaat pisussaaffiusoq.

Imm. 8-mut

Naartunermi, erninermi meeravissiartaarnermilu inatsit tamatumunnga tunngasoq naapertorlugu kommunalbestyrelsit sulinngiffeqarnissamut pisinnaatitaapput akissarsiaminnik annaasaqaratik.

§ 57-imut

Aalajangersagaq § 67-imik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq.

Imm. 1-imut

Aalajangersagaq aqqutigalugu borgmesterit il.il. aningaasarsiaat pillugit malittarisassanik aalajangersaanissamut Naalakkersuisut pisussaaffilerneqarput.

Borgmesterit akissarsiaasa aalajangersarneqartarneranni borgmesterip kommunalbestyrelsimi ilaasortatut sulinera ilanngullugu eqqarsaatigineqassaaq.

Imm. 2-mut

§ 23, imm. 1 aamma 2 naapertorluginit borgmesterip tunuartinneqarneranut atatillugu akissarsiat annikillisinneqarnissaanut imaluunniit akissarsiaarutitinneqarnissaanut tunngasumik kommunalbestyrelsi aalajangiisinnavaq. Aalajangiineq pissaaq naammassinnikkusunnginnerup annertussusaa qanorlu ittuussusaa mianeralugit.

Imm. 3-mut

Kommunalbestyrelsip aalajangiinera imm. 2 naapertorlugu kommunalbestyrelsip aalajangiinera borgmesterip piumasaqarneratigut kommunalbestyrelsip eqqartuussivimmut suliassanngortissavaa.

§ 58-imut

Aalajangersagaq aaqqissuussaanikkut allanngortitsivigalugu § 67a-mik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqarani.

Borgmesterit il.il. pensionit pillugit ilitsersuummik nassiussisoqassaaq.

§ 59-imut

Aalajangersagaq § 68-imik atuuttumik ilaatigut ingerlatitseqqiineruvoq. Siunnersuutigineqarpoq kommunini sulisut nalinginnaasumik aningaasarsiaat soraarnerussutisiassaallu pillugit atugassarititaasut pillugit isumaqtigiiissut Naalakkersuisut kommunillu akornanni isumaqtigiiissutigineqartalissasut.

Imm. 1-imut

Siunnersuutikkut kommunit Naalakkersuisullu kommunini sulisunut aningaasarsiatigut, atorfekartitaanikkut soraarnerussutisiaqartitaanikkullu atugassarititaasut pillugit nalinginnaasumik

isumaqatigiissuteqarsinnaalissapput. Taamatuttaarmi aalajangersakkap imarisaanut tunngatillugu allangortitsisoqarnissaanik imaluunniit aalajangersakkap atugaanera pillugu maannamut periaaserineqartunik allangortitsisoqarnissaanik eqqarsaateqartoqanngilaq.

Imm. 2-mut

Aalajangersagaq nutaajuvoq.

Aalajangersakkut periarfissiisoqarpoq nalunaarutinik saqqummersitsisoqartarnissa sulisunut Naalakkersuisut kommunillu akornanni isumaqatigiissutinut ilaasunut nalinginnaasumik aningaasarsianut, atorfeqartitaanermut soraarnerussutisiaqartitaanermullu atugassarititaasunut tunngatillugu. Taamatut periarfissiinikkut innuttaasut ataasiakkaat inatsisitigut isumannaatsuunissaat annertusarneqassaaq.

§ 60-imut

Aalajangersagaq § 69-imik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Nakkutilliisoqarfimmi ilaasortat akissarsiaqartinneqassapput Inatsisartuni Naalakkersuisunilu ilaasortat akissarsiaqartinneqartarnerannut il.il. Inatsisartut inatsisaat il.il naapertorlugu.

§ 61-imut

Aalajangersagaq § 70-imik atuuttumik ingerlatitseqqinneruvoq, allangortitsisoqarnissaanillu eqqarsaateqartoqanngilaq.

Imm. 1-imut

Aalajangersakkut aalajangiunneqarpoq kommunalbestyrelsimi ilaasortat sulianik pineqartunit akisussaaffigineqartunik suliarinnikkusunngitsunut Nakkutilliisoqarfiup pinngitsaalisaasumik pillaammik akiliisussanngortissinnaagai. Aalajangersagaq assersuutigalugu atorneqarsinnaavoq kommunalbestyrelsi § 48 naapertorlugu Naalakkersuisunut paasissutissanik aammalu pappilissanik upternarsaatnik tunniussiumanngippat.

Imm. 2-mut

Aalajangersakkut aalajangerneqarpoq Nakkutilliisoqarfiup kommunalbestyrelsimit ilaasortaanut kommunip annaasaqarsimaneranut akisussaasunut taarsiissuteqarnissaq siunertaralugu eqqartuussisunut tunniussisinnaanera. Taarsiissuteqarnissamik suliassanngortitsinermut atatillugu annaaneqartut amerlassusissaannik aalajangersimasunik killiliisoqarsinnaanngilaq.

Taarsiissuteqarnissamik suliassanngortitsinissami annaasaqaatit qanoq amerlatiginissaat pisuni ataasiakkaani nalilersorneqartassaaq.

Imm. 3-mut

Aalajangersakkut siunertarineqarpoq taarsiissuteqartarnerni akiliisitsisarfimmik eqqartuussisutigut suliassiinissamut taarsiussinnaasumik pilersitsisoqarnissaa. Taamaakkaluartoq suliassiinissamut piumasaqaatit naammassineqarsimasussaapput, tassa imaappoq kommuni annaasaqarsimassaaq, aammalu ilaasortaq taarsiissuteqarnissaminut akisussaasuussaaq Kalaallit Nunaanni eqqartuussisarnerni aalajangersakkat nalinginnaasut naapertorlugit.

Pineqanngilaq ilaasortat akiligassap annertussusianik akisussaaqatigiillutik akiliisussaaqaatigiinnissaat, akiliutissallu amerlassusissaat ilaasortanut ataasiakkaanut aalajangerneqartassallutik.

Ilaasortat arlallit akiliisussanngortinneqarpata taakkulu ilaannaasa akiliinissaq akuersaarumappassuk, taava Nakkutilliisoqarfiup suliassaaq taakkununnga tunngatillugu uninngatikkallarsinnaavaa ilaasortanut akiliinissamik kissaateqarsimanngitsunut eqqartuussiviup aalajangiinissaata tungaanut.

Imm. 4-mut

Aalajangersakkami malittareqquneqarpoq ilaasortaq pinngitsoorani taaseqataassasoq aalajangigassamut communalbestyrelsip aalajangiiffigisariaqagaanut ilaasortap nalunngerriigaanut nalunngereersimasariaqagaanulluunniit, akerlianilli ilaasortaq aalajangigassamut akerliulluni taassissoq nalunngikkuniuk nalunngittariaqaruniulluunniit tamanna inatsisinik saneqqutsinerusoq.

Ilaasortaq taasinngikkuni akisussaatinneqassaaq aammattaarli pequteqarani ataatsimiiglianggitsoorsimaguni aammalu nalunngikkuniuk imaluunniit ilisimasariaqaraluarlugu ataatsimiinnermi peqataasimagaanni unioqqutitsilluni aalajangiineq imaluunniit pinngitsoortitsineq pinngitsoorsimasinnaagaluartoq.

§ 62-imut

Aalajangersagaq § 71-imik atuuttumik ingerlatitseqqinneruvoq, allanngortitsisoqarnissaanillu eqqarsaateqartoqanngilaq.

Aalajangersagaq periarfissiivoq annaasaqarnikkut taarsiissutissanik ikililerisinnaanermik, tassa pisuussuteqarneq sakkukinnerulersitsinissamik ersersitsippat, ajoqusiinerup annertussusia pissutsillu aallat tunnavigalugit.

§ 63-imut

Aalajangersagaq § 72-imik atuuttumik ingerlatitseqqinneruvoq allanngortitsisoqarnissaanillu eqqarsaateqartoqanngilaq.

Imm. 1-imut

Inatsimmik matumannga unioqqutitsinerit annertuut pinerluuteqarnertut isigineqartussanngornerat kommunit aalajangigaannik atorunnaarsitsisarnermik atorunnaarallartitsisarnermillu, pinngitsaaliilluni akiliisitsisarnernut, inuttullu akisussaaffeqarnermut malittarisassanut siunertaqarluartumik ilassutaasoq, aammalu tassaalluni Naalakkersuisunut ilaasortat akisussaaffeqarnerannik malittarisassanut isumatusaartumik naleqqiunneqartoq.

Imm. 2-mut

Aalajangersagaq ilanngunneqarpoq aqutsineq pillugu inatsit pillugu politiinut nalunaarutiginnittarnerit tunngavissaqanngitsut, suulluanngippallaartut nalorninartullu pinngitsoortikkumallugit.

§ 64-imut

Imm. 1-imut

Siunnersuutigineqarpoq Inatsisartut Inatsisaat 1. januar 2018-imi atuutilersinneqassasoq.

Imm. 2-mut

Peqatigitillugu Kommunit aqunneqarnerat pillugu Inatsisartut inatsisaat nr. 22, 18. november 2010-meersoq kingusinnerusukkut allannguutitalik atuukkunnaarsinneqarpoq.

Imm. 3-mut

Aalajangersakkami aalajangerneqarpoq nalunaarutit inatsit atuuttoq naapertorlugu suliarineqartut atuutiinnassasut inatsimmi aalajangersakkat naapertorlugit allanngortinneqarnissaasa imaluunniit atorunnaarsinneqarnissaasa tungaannut.